



一四七六六

朱太復文集卷之十二



五湖朱長春太復著

詩

五言律

庚寅 九十三首

元日二首之一 是日立春是歲當赴補

元日逢春日東風雨細吹溪邊行菜處 關下頌花  
時草木迎陽動江湖撫壯思猶餘犬馬力駈策未言

遲

四日酌舍弟明所

今日春盤會高歌向阿雲家  
筵杯細細兒子舞紛紛  
少壯漸輸我行藏還念君  
空堂秉燭夜猶憶坐論文  
雪中飲德清宋明府汝傑席上作

對酌長橋署公庭坐見山  
早春城郭靜風雪吏人閒  
穗麥聞谿外胡牀下壁間  
看君論荒政感激壯夫顏  
再入西湖望雪

積雪清暉發西湖靜轉深  
白烟砂泚泚蒼靄木沉沉  
野艇橫橋隱寒花倚寺陰  
孤山老素好相識欲相尋

雪阻度江留宿昭慶能上人房

遊客投眠處僧家試酒缸  
湖風清寺磬木氣靄樓牕  
中夜忽飛雪明朝阻度江  
淹留還問法燈影照禪幢  
初過江又作

雪餘明海岬日出動江船  
驛路分吳樹行人問越烟  
潮生沙槩亂風滿布帆偏  
南紀登巡地遙遙近斗邊  
西興登望海樓

久日浙江口高風望海樓  
東南山水盡吳越郡城浮  
霸國餘荒野孤舟試壯遊  
蓬萊如可見掛席白雲求

初入越道中

白雪映山空黃雲近日東荒槁臨碓水素舸出樵風  
海上屋廬古江南桑柘同今朝入越客冠冕未應窮  
正月二十晚到蕭山看燈

山槁停晚棹江縣看春燈雜火侵星落繁花引月升  
市喧遊騎過簾白美人凭客路憐風俗江南樂事仍  
夜行錢清起望慨然之作

卧聞潮落聲起問是錢清月黑鳥啼舍江昏火動城  
山依雲裏看舟入畫中行時有鳴榔者寧曾倚岬橫

曉到會稽城

舊城春水裏宿霧到孤航禹鑿江沙石秦游海岬桑  
朝儀通上國霸氣略南荒採戢詢遺處令人壯越王  
戢山在越城中

鎮越堂懷舊司理楚陳立父

春風吹古臺獨鶴海東來白雪含城迥青山照署開  
投車人不見問勝客空回何事三季興丁亥與立父  
越遊之約  
蹉跎地主杯

雨過山陰道中入諸暨作五首

先大溪文集 言卷之十二 三  
馬頭溪雨罷嶺上半含雲木翠兩邊合禽聲終日聞  
穿林天乍逼過澗水初分自古山陰道行人說右軍

其二

礧道若耶西山盤怯馬蹄雨收千樹白雲落萬峰低  
野色隨行變村烟逐望淒遙川似空鏡借問已諸溪

其三

脩竹村時有白雲山更賒平田啼布穀春澗落梅花  
東嶺遙看在西施何處家夕陽裙帶草人正憶溪紗

其四

落日照山嶺春烟雨後鮮暮潮富渚外寒木秘湖邊  
數問縣中路空樓門下賢遠遊愁跋躄賴得好山川  
時訪郡丞張先生

其五

行行深谷處靄靄勝風殊婦女如秋月溪山似畫圖  
停車隱雲樹下馬傍村酌所見物清絕越中天下無  
入諸暨為與人相詒問道而進至縣乃知當  
經蘭亭久想名蹟既值便途不得遊目深負  
昔賢慨然作此

不識山陰徑翻從間道過蘭亭空在望脩竹竟如何  
自覺勝遊阻徒勞行路多惠風流水曲遙繼昔賢歌  
宿諸暨大雄寺同費二

野寺帶江風山城晦雨中暮鍾官騎至寒榻故人同  
門傍鯉湖白樓侵穀嶺空今朝許玄度何處問支公  
支公曾隱諸暨

出三江口南下

日出漾清渚三江帆正開白憐茅步山名過青見葶  
蘿村名來海氣如秋雨春潮似薄雷空餘好山水已

是越中回

下江值病近暮風急愴然泊舟

薄暮海風起江昏落日無客游千里外抱病一舟孤

水氣知芳杜春聲聽鷓鴣越中自別有鳥曰鷓鴣船人且為住

明日過湘湖

蒨富陽江又作

潮落布帆起波光白照人大江春水盛初日遠山新  
島嶼明滄海人烟出富春平生川上興對此坐怡神

出越渡江

沙船含宿霧野浦帶朝光來往中流望山川古意長  
江平思夏后潮落憶錢王今日東游客狂歌反故鄉  
祥上人治酒同泛西湖二首

遠公携酒好二月泛平湖夕日開蘭槩春波照玉壺  
渚明花氣散谷靜鳥聲孤萬物欣陽靄風光坐自娛  
其二

白幘來臨酒袈裟共泛船禽魚熙暖渚花草麗春天  
曲浦留雲鬢平橋度玉鞭相歡遊士女取醉夕陽前  
借宿大佛寺祥公憑虛閣早起湖霧有阻春

望

山中春睡曉牕白霧霏霏水木迷朝望雲烟濕夜  
鳥啼知嶺近船過入橋微晨飯辭僧去如憐清興遠

初出廬北上

結束萬里馬六季始出廬憂時身欲老報國氣仍  
餘仗劍離尊嚴攀花別客疎平生羞竊祿晚矣竟何  
如

度虎關夜酌李林玄計部

夕日下江滸春杯對綠波餘霞庭外落初月渡頭多

曲室懷餘賞，征途惜暫過。關門楊柳色，欲折不堪歌。  
丹陽道

落日傍船盡，長歌野望清。海風疎木潤，江月映潮生。  
禮樂延州宅，兵戈大帝城。異時懷重鎮，荒亂獨含情。

病過雲陽驛，博士朱邦喜。追謁河津，不得執手。

抱被過江驛，空煩博士車。風雲偶病阻，歲晚敢情疎。  
立馬依津柳，行杯想署魚。差池復湖海，長媿六季書。

朱故同官舒別已六年

一 登金山寺與湯七敬先舍弟明言別二首之

大江流欲盡，滾滾寺門深。日月浮南北，山川浩古今。  
遠遊憐勝槩，別客試登臨。暮色中原曠，憑高萬里襟。

明月大江口 擬古

明月大江口，孤帆思殺人。天空山更遠，潮落水初勻。  
妾夢臨揚子，商船下孟津。遙聞石城樂，曲斷翠眉顰。

明月放船揚子江

明月堪娛客，空江更浩歌。雲寬野望淺，水靜夜聞多。



先大溪文集 言卷之二  
窈窕山峯見參差城郭過放帆情未已風急奈歸何  
夜行廣陵道先寄太守徐見吾公

樹暖人家暮潮回煙渚平捲簾看月色倚枕聽江聲  
浩蕩勞南首樓皇問北征前途識劉尹一寄醉蕪城  
早過白馬湖有懷李林玄

積水浮清旦初暉皓遠湖人煙隨驛見行色帶帆孤  
故舊沿途少高賢流俗無過江南充盡客意只東吳  
夜過淮有感兼懷舍弟

海風廓白霧明月度淮陰戍鼓依雲落夷歌下浦深  
臨河魚鱉歎懷土鵲鷓心誰念津亭窳三更遊子吟  
出淮念弟應已到家又作

一別日回首客心悠未窮行人桐柏尾歸棹具區東  
出處偶然異風雲長望同莫言減驃騎釣碣老任公  
河行懷弟妹

黃河怒浩浩自古壯茲津澤氣常霾日濤聲時懼人  
客程淮北遠弟妹海東濱不見舟行險臨流坐損神  
過下邳

洪水流日夜客心蕩未平烟雲變山色風雨入濤聲

草古留侯石圮下進履處人荒呂布城英雄氣不盡莽莽  
至今情

過徐

驛門高瀨曉津鼓放帆初旭日浮東魯羣山略古徐  
歲荒閭井瘦河淺野田淤為問齊南麥途窮亦悵予  
時徐泗不雨三月

暖日

暖日飛飛燕空湖泛泛鳧平臯稀稼穡古落半樵蘇  
江左昨方旱山東雨又枯啼號半天下憂世壯心孤

夜過魚臺

是魯公陳魚處

泗水淺可掬魯南原陸清長楊連地暗初月與波平  
臺有陳魚臨村稀吠犬聲行船徹夜穩風俗古含情  
端午舟中卧病承就李孫公子成憲遺詩荅

贈

小婦五絲囊舟中午日觴逢時知是客抱病覺懷鄉  
公子憐同里新詩問小航晚交得孫楚湖海意難忘

舟阻寫悶

山東春不雨泗水白沙枯風響時時怒舟維日日孤

先大溪文集 言卷之十二  
移家累久客得病悶中途滿眼零歌慘農功更憶吳  
阻泊米盡呈御史大夫潘公

津帆日不動伏枕緒如絲道路家難寄 朝廷望轉  
遲孤舟米盡處滿地麥枯時窮病他鄉阻非公誰念  
私

久旱阻舟再承孫公子寄詩稱慰訓謝

烈日慘桑柘悠悠荒大東浮雲不成雨曠野只多風  
僮僕憂米貴隣翁問路窮虛名詞賦在未足濟囊空

三宿魯橋

三宿魯橋下題詩記客遊健兒朝走馬小嬾夜騎牛  
眼暗孤津柳頭風五月來家書來未得况乃絕行舟

任城移家暫住駕部于子出同季養素園三  
首

秀木好園廬魯南風物餘涼陰散高葉落日曠中除  
勝迹憐幽事他鄉寄暫居門庭得賢主樓託免愁予  
其二

結亭依古木引井落平池地曠孤城裏雲涼五月時  
病妻欣過暑遊客爽吟詩反覺他鄉好追隨勝槩期

其三

到來生隱意稍住冷幽襟月出照城迥花開歌戶深  
主人賢愛客來往夜論心何事明駟馬悠悠負入林  
北上發南城驛寄書舍弟長明報寄家消息  
憑客傳吾弟中途改客程馬駟河北路家寄魯東城  
幕府分供給居庭仗友生別離三兩處此日意蹤橫  
萬曆十八年以補吏赴都五月抵宣武門

作自十一年出令赴官至此始入

馬首 國門在七年經此途眼開瞻日月心喜失江

湖文物勞頻問 朝廷且暫趨無才尚為吏戀

主只區區

大暑稅駕 都門我窟菴病暍伏枕承茅薦

卿侍御携酒榼見勞遠暮衝雨馬歸慨謝之

作

國外停車處僧家伏枕隈傳呼御史馬嗟接故人杯  
別緒經時問歸鞍暮雨催君看垂白吏誰肯更憐才  
送徐養浩年丈理刑瀘江

淝上曾為令送君南首看孤雲落淮甸五馬渡江干

地僻原田莽時荒戶口殘故遊無盡思灑淚向刑官  
夏夜飲吏部郎呂伯繩署

白雲卽舍靜暑雨 帝城涼秉燭收官馬調琴侑客  
觴雪桃浮玉椀冰水注銀牀今夕憐風月高談醉不  
妨

初登玉泉山入華嚴寺

下馬石梁夕山昏古寺空洞門陰帶雨

寺有七真洞

雲巖

迥生風 陵關通湖外乾坤曠海東 帝郊靈氣滿  
落日望無窮

宿金山寺

暮山鍾鼓起林火客來初洗馬寒塘淨鳴蟲高葉疎  
開襟領清露携榻對紅蕖此地隔人境禪心卧澹如  
碧雲寺泉亭

苦竹危巖底泉亭六月寒雨新荷葉潤日古柳絲殘  
蟬曲風邊聽松衣石上看流觴隨意好吾坐得盤桓  
雨酌望湖亭

山黑樵人下朱亭繫馬孤 關雲浮北海陵雨度西  
湖秋意疎荷芰天風落鸛鳧近郊供客眼細酌暫相

娛

雨夜

燈前拭寶刀  
秋雨度城高  
未覺清烽火  
還愁濕羽旄  
漢兵沒狄道  
胡馬牧臨洮  
莫倚和戎策  
將軍氣不豪

邊事

傷副將李聯芳

萬馬沒雲中  
沙昏洮水紅  
匈奴初逐勝  
都護不成功  
自失和親計  
誰思飛將雄  
九邊夷盡擾  
報國在諸

公

赴陽信出

都同門諸公

國外餞別感慨

作

匹馬赴官去  
臨岐慷慨言  
十年重遠關  
一命尚慚

恩壯士  
輾軻久  
諸公意  
氣存離  
觴太行  
雨沾灑  
望千

門

初到縣十餘日  
同伍張王三  
廣文暮集董光

祿園

初官欣暇日  
携客集名園  
海畔此樓迥  
秋高落木繁  
平池清部樂  
餘照動孤尊  
月出徘徊舞  
時憐傲吏存

日晏

天  
復  
不  
集

詩  
卷  
之  
三

三

劉

先夫文集 詩卷之十一  
日晏息公事開尊試小吟鳥歸閑暮閣月出靜高林  
遠望頻懷 關端居暫撫琴勞勞東海畔初任意方  
深

初謁府至歷城

抱印初趨府停車古歷城市通濟水潤雲落岱宗清  
雞犬喧齊俗臯原莽舜耕杜遊懷勝跡詢訪且平生

同崔德平傳甫看趵突泉

泉在歷城南千佛山北自地湧出沫

如噴雪

問訊佳泉好秋亭倚馬看瀑聲吹瀨細雪色照林寒

丘壑後來趣濠梁此共觀清譚過落日暫覺傲微官

登聞韶臺

高臺曲堤上攬古暮登臨遺廟丹青落空墟鳥雀吟  
秋雲滄海闊落日華山深人樂千季絕流傳想至今

秋日廳事作

涼風振庭木端坐有餘清白日吏人靜空庭鳥雀鳴  
地偏欣寘務天爽動閒情疎拙無長策狂歌負

聖明

費二在信縣逢生日酌酒贈之

平生初度日垂老異鄉身縱飲率常好論文晚貴真  
時艱愁作吏縣僻強留賓多病羈天末君無念故人

陽信卧病作二十首

到縣五十日病病六十日方起自季秋入仲冬

孤城日閉閣羸卧及秋過自拚病夫棄人如傲吏何  
小寒木落盡永夜鳥喧多片枕經時散愁能髮不皤

其二

疆野東方盡煙沙北海寬邊隅違遠客久病累初官  
案牘沈非少方書試轉難雄心逢偃蹇撫壯一長歎

其三

生常患犬馬額豈過鷦鷯萬里愁支骨十季老折腰  
養病非俗吏藏拙托清朝猶覺微官縛迂踈嬾解

嘲

其四

不是投荒在無端卧治偏沙田唯種黍鹵井不通泉  
酒苦調羊酪壚寒席馬韉遥遥冥海候善病轉難便

其五

頗藉虛名竊其如弱骨慵無才下位隱多病上官容  
短日淒窮海陰沙晦益冬床頭檢簿署報



主媿哀庸

其六

靜心觀物理高卧識生涯藥竈燒槐葉藤牀對菊花  
貧應罷漉酒病更想飡霞僮僕驚顏面清虛合道家

其七

小國真無事連旬好熟眠訟庭閒落木吏卒罷歸田  
客少過詢疾人還上稅錢古風宜吏隱稍慰病遷延

其八

海上颯飛雨晨涼清病夫下牀看樹咲行藥傍欄扶

麥葉雖云晚春且免枯小東終歲早伏枕正愁吾

其九

西風懷北關南日望東吳弟妹他鄉隔乾坤小縣  
孤病中百慮滿江外一書無萬里憑誰報秋來眼淚  
枯

其十

秋槐轉蕭索客病尚休衙白日眠官馬清霜叫乳鴉  
衛生翻本草學道試河車不是神仙令愁無勾漏沙

其十一

海上早嚴色寒門多莽雲寒花愁裏看風葉卧中聞  
疾病還憂 國瘡痍屢敗軍連朝西蜀報劍外虜成  
羣

其十二

病後眠常少客中思更凄風高斷戍鼓霜白厲晨鷄  
漸老猶無子衰顏屢問妻古來才士困萬物竟難齊

其十三

力疾坐南簷今朝乍啟簾梳頭就日煖倚杖試風恬  
暫得吾生適還憂吏事淹此身絆五斗達者愧陶潛

其十四

海甸陰多濕海天晝始清白沙風裏下黃日霧中生  
捲幔衣頻曝攤書架屢更簷前理幽事物態頗含情

其十五

支牀反復頻閉戶復清晨海氣偏欺客陰沙善中人  
乍晴初愈痺小雨頓侵神病免亦由我乾坤重此身

其十六

孤城莽草中歲晏海多風鵲乳巢枝白鷹喧獵火紅  
久眠裘盡敝得病褐初縫天運兼人患相催鬢搖蓬

其十七

氣候殊方外陰陽十月催天蒙黃霧起海動黑風來  
避雪賓鴻盡呼霜鶴鵠哀始知禽鳥性總不耐寒灰  
其十八

習習風吹雪沄沄日傍城步檐看蟻穴隱几過雞聲  
將適且生理支離豈吏情昨來表解印暫穩卧平明  
其十九

狂無適俗韻病尚愛孤吟天地曷何日功名負此襟  
白雲終曠蕩烏帽且浮沉茲地東方朔知予避世心

其二十

日月餘生見門庭今日除衣冠心且喜案牘氣何如  
汲黯顛趨闥相如好著書十年添懶病當路孰吹嘘  
送費二又作

歎子歸因病逢予病送歸徒來萬里別此去一沾衣  
風雪暮年路邊城小署扉故鄉人到少書斷北鴻飛  
日出

日出坐微霽開牕對古槐初煙橫市井積雪照庭階  
海國容高卧滄江動速懷病中吏事謝間看白雲佳

暮駢濟北

走馬白日暮蕭蕭野望昏窮陰晦北海積雪皓平原  
獵火橫過野犁牛稍入村齊風豪自古曠蕩此誰論  
重出歷山門因訪歷下亭

歷門朝度馬寒色莽孤城高木霧中曖諸山雪後清  
橋憐再渡興亭訪古遊情豪達空陳跡悲涼白草平

朱太復文集卷之十二終

朱太復文集卷之十三

五湖朱長春太復著

詩

五言律

辛卯六十五首

元日廳事

元辰回斗北小國倚天東霜木分城曙陽鳥動海風  
向雲看 關遠候俗頽年豐父老紛春祝林觴樂事

同

行春二首

融融翻日幕靄靄結春樓繡陌驕官馬芳塵度土牛  
鳥啼當雪樹花發滿人頭傾縣歡看歲笙歌擁乍留

其二

玉卮延日晚媯管獻春初柳色分歌黛梅花落舞裾  
技連胡部雜樂任土風殊一慶三農祝同遲衆客車

蒲臺李明府夜至叩關造次留飲私署

下邑常無事孤城早閉門鳴鍾官客至列炬市人喧  
造次除荒館粗疎具夕飧君能容傲吏小婦自開尊

早宴李蒲臺于董光祿園送還縣二首

春園澹微雪朝閣欵初暉此地宜人賞携尊送客歸  
蒼藤綠戶結翠鳥落塔飛立馬當松下清歌娛未違

其二

改席看山石登樓望海雲林廬如為我物色解留君  
隣境能頻過歸鞭惜乍分花時春滿眼興發遣相聞

初聞鴈

獨坐聞春雁霜清聲尚哀乍連明月度轉望白雲開  
北海先時至南江何處回五湖將萬里未帶尺書來

雨霽

小雨晨朝霽鴉飛稍出林微風融早氣白日靄春心  
緩着衣冠罷閒無案牘侵升堂發初鼓獨坐對雲吟  
懷鄭大安仁令

憶子洞庭外經年一字無風塵皆俗吏南北隔江湖  
簿領長相促壺觴好暫娛文章礙官事舉世憎吾徒

晚衙公座

公堂無一事晚木靄餘晴國慶天隅陋吾貪吏隱清  
簷虛落鳥影市淺靜人聲漸覺便夷俗春風坐蕭平

海鮮小詩

二月海飛雨海人出市鮮銀魚分白小文蛤漾清圓  
輒益春庖美添思鄉味便棲山笋似藕膾玉滿芳筵

二月夜雪

海暗暮吹雲胡風犯雪紛燈前白乍見雨外密無聞  
春草經時凍江花故國殷孤裘不成暖斝酌坐微醺

早發厭次

鷄鳴月出海人馬動晨征古屋初煙晦遙城落宿平  
露寒知地候春晚感人清憶斷江南草東風此未生

出郊

牧笛白雲外朝光馬首低微風疎早麥小雨破春泥  
隴上見農事村邊聞鳥啼乘春熙物色吾漸樂東齊

宿曲堤

獨酌對驢鳴荒村欲二更燈孤隣語細雨沒夜春清  
歲久無家信春今少鴈聲愁來人不見看月下牀行

濟南新柳有感

濟北草猶白濟南柳已青春風三百里隔斷惜湖亭  
故國更何處新花望轉真誰將上馬笛吹向客中聽

碧霞觀訪蒙陰公茂才鼎

城隅訪客處佛嶺照經牀城南有千佛山雲洞遊絲白春湖  
過雨香名推高士隱談見古人狂白帽蒙山雪經樓

日月長

晴日行濟陽道

浩浩日初暖陶陶物共春草香欣去馬柳色靄行人  
田父形多古犁牛意亦馴未言恨趨走野興頗娛神

反照

返照承初月疎光近小城暮雲看 關思春夕放衙

情胡羯久渝好秦關尚用兵  
捷書西萬里風暗眼難明

周山人使至不得舍弟書念甚却寄

吾弟竟何狀鄉人到轉哀  
浪傳家口健不見汝書來  
海縣唯多病衡門豈滯才  
秋風望駘馬笑對郭隗臺  
子完周山人遠使到縣見問報遺大布

兼憫驥子

長成賦慶目前

安穩吳谿客能將萬里書  
率衰猶好事交晚却憐予  
為致東人布應便處士居  
着來兒遠袖醉仰白頭疎

清明

九河看落日萬里過清明  
海暗雲連舍春寒雨近城

率華花悵望

海上三月未有花

風俗柳含情薄宦不如意

家白髮生

代作

聞道巴山曲高人好養生  
道書翻峽雨丹火候江晴  
靈壽分

天子斑衣舞上卿白頭身更健  
跨鹿訪蓬瀛

寄李林玄



不見東人苦砂寒病奈何天隅晴日少春海暮風多  
物色鶯花窳官情藥餌過憑傳壯士骨得耐幾消磨

湯七敬先至縣

征衣漬春雨辛苦越南來萬里無人到今朝病眼開  
海頭隣岡兩縣裏宿蒿萊此地難居處休辭黃酒杯

廬外翁解蒲圻主簿歸此寄

一尉不得意罷官歸舊廬身今免趨走老且繼迂踈  
晨飯課兒畢春船理釣初吳溪魴自美不羨武昌魚  
忽然不堪欲寄湖南親故

朝望小山嵐風昏海雨含麥花來社燕桑葉動春鶯  
作吏吾無恨居夷獨不堪東臯田事起歸興到江南

兩夜

原上飛雨足流雲動暮樵海陰燈下入客淚酒中添  
俗吏功名薄遐荒枕席淹到官秋復夏愁病日相兼

喜雨

一夜海西雨朝來羣物鮮茅茨開遠潤草木發初煙  
北陸催芒種東人急用天吾無助民力息訟好歸田  
客病尋河閉門獨卧惘然追念舊遊瀘江陸

李諸君子

一吏十年滯愁來憶舊遊江山開古郡杯酒洽諸侯  
老厭微名在身隨後輩羞人生交有分回首厭風流  
獨往大明湖

城南山色滿蒲瀨落明湖五月荷花淨空亭水氣孤  
吏閒時獨往鳥宿晚相呼越女紅蓮曲臨流意不無

臨濟

曠然臨濟水遙見嵒山青柘葉生陰雨蒲花動晚汀  
樵蘇通野渡舟楫倚津亭夕日喧鳧鳥停車試一聽

又送湯敬先致家弟

土思日無賴何堪重送歸魂銷絕塞病淚寄故人衣  
北海天隅慘南風江際微君還見吾弟萬里話依依

夏日董園望洋樓宴同季臨淄明府馬慎卿  
時已被徵取道暫住

徧野涼雲色隨風颯入樓海空踈暑濕潮遠散沙洲  
茂宰新承寵徵車暫旅游同官淹病老西望日邊  
愁

日落復酌池亭

落日小亭酌清池涼意多微風蘋末起白月樹頭過  
桂影搖銀藻荷花蕩碧波使君渾未醉吾更唱菱歌  
不寐憶舍弟三月傳北醵遲至今無信

中宵忽無緒萬里竟傳訛春日遲江棹秋風已海波  
人書俱不到行止定如何舊被空牀在啼痕照月多

海上早秋

積水淫不極涼風忽已道晚來雷送暑雨過未知秋  
玉露能蘇病清蟬不解愁無端念西事倚劍看旄頭  
喜舍弟至四首

眼斷憑誰報魏鷲說汝來江湖知路苦骨肉且懷開  
遣騎催金勒呼僮洗玉杯烏麻秋飯熟留箸待君陪

其二

別顏車裏望客淚馬前收百病欣相見經年憶汝愁  
天涯風逼老海岬雨多秋細細談離事携燈看白頭  
其三

他鄉見兄弟窮海苦風塵萬里留身健中年轉意親  
黃檗強勸汝曰蜃不宜人平日書中淚經看倍損神

其四

先大文集 言卷之三  
把劍拭行色持杯問故鄉勸爾今夜洽羈旅暫時忘  
咲舞提如意歡眠拭玉牀誰能對同氣拘束恣顛狂

送舍弟入都秋試

夜宿晨提劍辭予西上書匆匆未敢恨奕奕正憐渠  
壯士氣無敵名家雋不虛黃金臺下馬千里更誰如

宮香

遠惠宮香好鑄題御畫微感分即署舌羞為外臣衣  
蘭芷芳如在麒麟望不違意中同臭惜形穢敢相依  
赴歷下途中作

白日散原霧秋光照井閭海田登歲早塞木落風初  
天地身長滯風塵役未除病夫心尚壯不敢憶鱸魚

夜行

馬首行人斷西河落日孤隴畦秋色空雞犬夜聲無  
荒旱憂時事蕭條見此途羈棲問安穩遠火向農夫

舜廟

玉座垂衣古秋風謁帝祠蒼梧狩不反黃屋儼如斯  
石鎖青苔碣松巢白鶴枝歷山千古淚泉響至今悲  
同馬主一寓直試院

先大溪文集 詩卷之三  
孤燈照蟋蟀秋雨閉門深對酒暮禽下論詩夜露侵  
古人皆見忌世俗少知音咲問文園今風流共陸沉

初鴈

亦識南征遠關寒不可居寧辭秋雨暗一赴暮江虛  
影落竟何處聲悲如訴予故鄉憐試聽不必問啣書

院中夜嘆

月涼侵戶內露白宿庭隅客意羈頻望秋光夜更孤  
官遲難媚世才拙歎窮途坐落紛紛木徒催老病夫

院中落日

落日瑣門遲庭槐秋意悲院沈人少跡秋苦客多思  
弟妹天南北風塵老歲時年來百骨痛強耐折腰為

署中八月十六夜與馬主一對酌月下

濁酒舉佳客聊爾明月光清歌調宿鳥白憤傲秋霜  
良夕忍羈束生涯漸老蒼一杯消梗槩萬事付行藏  
同馬主一夜談及家難感泣罷食

風急吹屏火秋孤坐閉門終身經世恨十載哭親魂  
薄祿愁何晚貧傷氣忍論談深君撫劍嗚咽罷寒餐  
從郡歸道中慨然二首

先大漢文集 言卷之三  
往還見歲落寒旭空原田海白含殘莽霜清帶晚棉  
病愁遊摠倦道路意茫然刀尺催村婦閨中獨不憐

其二

汨汨微名誤悠悠畏此途年侵恥趨走秋老憶江湖  
草木邊寒入雲沙海日孤舊籬陶令菊歸興久荒蕪  
九日馬上口號之二

馬上逢重九天邊滯小東登臨孤宿昔筋骨老秋風  
故里望多歎微官興易窮他時黃菊好恐嘆白頭翁  
得舍弟書聞主司取卷忽失遂不第因為痛

失念樹之作

天命真難問文章浪有神得書驚念汝失意恨何人  
名落虛知已囊空恥寄身盡憐非戰罪壯士不長貧  
歲落有歎

病身成懶惰壯志久蕭條俗吏功名薄夷方物候彫  
大風原漠漠短日海蕭蕭五斗又終歲慙無答  
聖朝

趨府夜行

何事馬蹄忙毛裘白犯霜官微長道路身病悞行藏

月細寒空慘風高古落荒益冬天地肅萬里夜蒼蒼  
入計出縣作三首

微官久入海待罪此趨朝戀

主心長壯憂生魂未招公車開宿雪祖帳卷寒潮也  
識還雙鳥猶欣近九霄

其二

邑門送侵盡慷慨忽成悲海樹行看遠宮雲入望  
遲在官多失意述職竟無詞  
君若詢東土微臣泣誦詩

其三

百病孤臣在經年此道還無功上吏課有喜觀  
天顏霜雪志逾苦關河路豈艱馬頭離海色已睹五  
雲間

蒞縣次日過鹽山

宿雪帶原清川陵動客情啼鳥非昨日嘶馬復空城  
世路勞為役生涯恥薄名十季一墨綬暫解也身輕

初至國門

萬里朝車到天門拭眼看星臨三極迥月傍九關

寒臣歷風塵苦

若私雨露寬年來望 王氣暫喜近雲端

止崇福寺月望

野寺月涼多城門寒漏過夜光浮 帝闕霜色朗天  
河只尺身猶遠窮荒髮向皤衣冠候晨磬明日會朝  
珂

崇福寺對雪同舍弟酌

飛雪犯白日蕭蕭小寺清杜門官馬卧隱几野雞鳴  
禁闥雖多戀風塵任薄名殊方有兄弟數酌且平生

壬辰 七十二首

元旦鄭安仁郎舍酌

虞庭萬國覲 漢闕九重春奉玉思

明主傳觴得故人日華瞻處遠風物客中親醉後  
狂吏文園詞賦臣

元夕獨坐

九市月中喧千花燼裏繁春星明寶珮細露緩香轅  
樂事聞終夜孤尊坐閉門內人傳 賜假侍從盡承  
恩



先大漢文集 言卷之三  
都中遇瀨州太守黃紹夫

昔之交壽春今八  
季矣

八公沈飲處相顧已茫然慷慨得如舊飄零忽歷年  
宦卑餘白眼交好豁青天壯士不悲別狂歌五馬前  
酌樂廣文之初舍

賞酒馬前酌舊羶多古風故人同拙宦舉世孰憐公  
壯氣久窳窳逸名見固窮牀頭一龍劍慷慨未成功

送祠部郎董伯念上書落職放還四首

時益  
給事

方建言

廷杖伯念繼鳴人共壯之

天子方憑怒郎官再上書茅雋氣共勇賈誼文

非望生還日寒心死諫餘終憐未悟  
主痛哭向柝除

其二

已捐身抗議尚恨竄成名天地明臣節江湖荷  
主情古人誰不朽今日愧偷生富貴如朝露人間重  
義聲

其三

一時鳴仗馬勇敢孰如公身犯雷霆怒言留社稷功  
整歸黃帽隱應起紫芝翁 聖代無終錮青山首未

蓬

其四

不死俠心在放歸猶慷慨孤雲三極望萬里五湖船  
奕葉家聲壯丹青諫草傳生平愧公子骭髀一龍泉  
感事

洞房朝雨妒碧殿起西風寒入鶯聲後春悽花蕊中  
高天不可問時事杳難窮日暮山鷓叫愁看萬里鴻  
出郊次崇福寺望作計羅略  
北關尚無列東方亦有家四愁頻世路雙鳥又天涯

野寺馬聲恹春城烏尾斜古人皆重此三宿發長嗟  
還縣臨發別舍弟三首

正惜朝廷遠兼之兄弟離幾行岐路淚一灑在原  
詩長缺歌應短敘衰歸恐遲壯夫不得意低首五陵  
兒

其二

恐見獨流落棄家憤不歸無錢資旅食有淚解春衣  
賓客朝雖滿汝兄官尚微書生留片氣莫浪謁朱  
扉

其三

預論會早晚難定此行藏生世憐同氣如今况異鄉  
回看戀孤客遠去亦遐荒有夢長西北相歡傍建章  
還縣馬竇呈中貴諸公

上馬即千里回頭望洛塵自從雙鳥去十別五陵春  
宮日長如舊陌煙行轉新海東楊柳晚難折寄情人

清明三首

是日朝雨午即大雪

復見清明柳天邊拂雨微客身他日舊春色故園非  
海暗愁花晚江長羨鳥歸生平一弟妹南北幾年違

其二

南國遙傳火東人不食飭正愁朔雪至欲暮海濤鳴  
久病春陰怯殊方歲候驚山妻試寒爨生理故鄉情

其三

三月海東雪吳兒疑柳花悠悠凝砌白漠漠過城斜  
臘蟻宿難進文狐冷更加無端羅薄祿終日苦生涯  
雪後晨出郊望二首

宿雪如春水朝看湧大東風吹林蕭蕭日動海濛濛  
田雀寒多噪籬蕪濕乍融老翁出擁褐對坐說年豐

其二

紫燕啄新泥黃牛度遠畦  
雨膏千頃麥雪釋萬家犁  
野色春相問佳辰興獨携  
狂夫有沮溺歌舞過城西

春興

落絮綏綏白飛花娜娜香  
日催蠶月火風送來秋涼  
野意農家夢村陰海路荒  
似憐人物古別是一春光

倦路

嬾拙此官在幸華閱復深  
柳低花撲馬桑密葉藏禽  
病暗傷春眼衰迷涉世心  
海塵汗征蓋車跡走如今

陌上

蠶白葉成窠陌頭游女多  
清陰媯畫黛細雨弱凌波  
幽雅鼓方羅羅敷箏乍和  
仗君五馬駐為竟採桑歌

揆俗

三載蛟龍窟悠悠仍病身  
天涯拚卧老春色莫欺人  
閒看遊絲冉時聽反舌頻  
行藏信萬物俗未識吾真

廳事感興

禮樂非今日農桑尚古墟  
近來都罷杖久已謝懸魚  
鳥熟窺廳事人間狎吏胥  
早為九列貴不及一城居

先大澗文集 言卷之三  
憶弟妹二首

有官弟不飽糊口傍 京師客舍人多莽故衣誰補  
為身餘五經笥家有一飢兒汝婦南來信盤中字字  
悲

其二 妹寘居無自出于

河北弟不反江東妹向孤冰霜死後見骨肉眼前無  
薄俸稍分汝窮荒久病軀同生三口在萬里各艱虞

荅盧外翁二首

遠羨釣竿老深慙抱綬眠窮荒慘四裔盡室病三季

薄俸共囊藥齋厨費水錢

縣皆鹵水日出錢買及十五里外 鏡中新

鑷白封寄儻相憐

其二

白霧海西口書來問遠情況泥塗難棄吏天地日憂生  
妻妾啼俱瘦熊羆夢豈成

書來云熊羆消息何如 衛郎冰玉韻

今愧阿翁清

寄吳虞卿

歎息延陵子安貧陋巷居尸饔猶負米遠膝且傳書  
壯氣風雲在故情膠漆如相看媿溝壑贈尔北冥魚

先大漢文集 詩卷之三  
六月復病寄弟二首

白霧連春瘴長風起夏寒三年幾死客每病欲休官  
短髮催初服空林愧素餐行藏日夜淚謀及室人難  
其二

脉脉對柔歎朝朝抱被孤流離傍汝遠疾病苦兒無  
驃騎名真媿柴桑意定娛想呼具舟楫歸去飯秋菰  
泣

累月西征困危時恥官卑

主憂身敢愛天遠泣空為怒拂雙雄劍思從一健兒

死生向百戰主將莫停師

立秋

向夕門籬颯雨中木葉聲邊陰催日落海闊易涼生  
蒲柳將衰意菰蓴薄宦情季季添髮稿秋至骨先驚  
備倭演武場都試遇雨散甲喜作

大海遙飛浪孤城亦置營釋鋤憐壯士講武愧書生  
雲結偃旗色風鳴斷角聲懸知洗兵雨霑灑望塵清  
雨破屋

夜雨侵床入朝光次閣踈由來官舍陋幾歷海風餘

先大父文集 詩卷之十三  
秋思添羈旅生涯望故廬三季委蛇宅儻亦厭人居

對月

七月望夕到縣二十五日也

此月三季白中宵獨立看關山經萬里弟妹憶平安  
素影臨河淺金波渡海寒閨中重製服露濕剪刀殘

自憫

封疆已十載海嶺復三秋不分中人巧應甘傲吏留  
乾坤身久病社稷淚還流無路叅朝議憂生且  
自謀

涕

宇宙羈孤處邊隅搖落情潮生秋海溢雨積故河平  
笛裏關山路砧邊離別聲當杯忽流涕有弟客

神京

海上秋日漫詩三十首

淹病三歲自夏入秋霖濕轉深閉門伏床歷海上  
風候土俗生事病患之艱兼以孤憤蓋志憂也

迢迢碣石東歲落客心窮大海如飛雨孤城不斷風  
總結聞枕上槐葉積門中不見鮫人出愁來眼自紅

其二

左海元傾地西風欲漏天枯河魚艇入白浪女牆連  
徧野聞悲稼孤齋欲斷烟病身愁不去漂泊泣燈前

其三

秋雨卧來積苔紋上榻傍屋顏翻燕子簷落散鴛鴦  
寒逼催穹室風高早蟄藏九夷生事異客久諳多防

其四

日黑雲還起長虹掛海城斷雷随月上急雨引潮生  
磧火秋漁宿邊笳朔馬鳴抱琴悲未寐半夜倚床行

其五

幾說采田盡時看蜃關重雲濤多蔽日晦雪易成冬  
珠蚌搖寒月蒲牢怒夜鍾生涯寄魑魅早晚畏蛟龍

其六

厭琴忽惆悵擁被起吳吟不見邊城候安知病客心  
日昏多霧合海嘯欲風淫八月涼侵骨濤生晝夜陰

其七

鳴蟲轉傍榻宿鳥已辭枝此中秋後  
鳥不棲枝火入中秋後霜  
飛落日時頭風欲卧早肺渴厭炊遲久病衰催老季

華萬事思



其八

溺溺秋沙水溶溶海竈鹽鮭蔬經雨苦此中地產皆鹹今歲雨多  
轉稼穡帶霜厭無物生涯度他鄉疾病添近來頻廢  
食不比甌塵廉

其九

客意忽如麻開軒看菊花無杯風物異有淚歲時賒  
呼侶鳴秋鹿歸林噪夕鴉寒厨飯黃黍稚子也思家

其十

濤起三山雪烟如五嶺嵐空傳歸白鶴不見發青藍

河伯猶多歎仙人恐浪談北冥如可住鵬鳥豈圖南

其十一

霜似雪紛紛蒼鷓叫朔雲秋高月少色夜靜海多聞  
善病愁蛇影迂才謝鷺羣三看南陸鴈久媿北山文

其十二

草黃白兔肥九月阜鵬飢海上馬懸足沙中人短衣  
橫梢遙對揖賭勝忽如飛罷殺喧茄鼓城南意氣歸

其十三

閉門對妻妾夕潦轉無聊屋短坐臨雨城卑卧聽潮

先大父文集 言卷之三  
三  
漏壺寒細細爨火闌蕭蕭海懶欺人出啣魚瞰窸窣  
其十四

強步過莓砌閒情理藥囊雨中斷壺帶風裏落蜂房  
閱歲餘多病哀時在遠荒古人悲九辯知不畏秋霜  
其十五

夜起獨吟罷燈青月到門駘狐翻井甃翦蝓照籬根  
鬼出問形影風來吹淚痕東方投死地無客為招魂  
其十六

扶搖真萬里溟漲慘三光冒絮侵秋雪單絺怯夏霜  
天霾常閉戶地濕數移床土室同狸窟東荒海一方  
其十七

多病合懸車虛名悞曳裾已拚室人謫猶辱上官書  
海磧餐無米吳江釣有魚歸來如待老陶令不勝鋤  
其十八

有愁非傲吏無骨合封侯長歎平生在雄心久病休  
戍烟昏昨夜海浪怒高秋拔劍看天外身衰淚獨流  
時有海上倭傲

其十九

三季見海日泯泯不曾晴霧合魚龍沫風兼濤浪聲  
枕衾淹氣候筋骨改平生每遇陰沙起滢滢夢寐驚  
其二十

磧裏潦收後田家秋熟時木綿吹白雪棗實落臙脂  
土俗荒吾厭物情欣自私雞豚散清旭烟火滿城籬  
其二十一

方輿窮赤縣員海近玄菟採藥船來往騎鯨客有無  
鳥過經枿木魚出帶珊瑚悶浪如山倒夷人穩駕桴  
其二十二

由來不毛地本自海王家過雨如霑雪無風自落沙  
寒裳兒拾貝雪足女收花久客囊書腐人生況有涯  
其二十三

春晚偏秋早凝寒殺物窮鴈飛先露白木落未霜紅  
磧塞人多癘兒童耳半聾三季風裏髮吹禿漸成翁  
其二十四

愛殺明湖上在歷城泉飛八月深蓮房霜綻紫菜甲雨  
滋陰遠致勞官騎餘芳豁病襟遐荒耐生活此物值  
千金

其二十五

恒陰似冰雪乍暖更風霾客病隨年進秋霜與老催  
眼昏當晝霧腸癢四時雷壯志看垂盡紅顏安在哉

其二十六

不見東方朔空傳此降辰蟠桃歸帝闕青鳥望詞臣  
譎諫氣何壯滑稽意未真狂歌柏梁下避世即仙人

其二十七

白室坐當午起行把道書人間槐落靜心息鳥啼徐  
北關若為望東方不可居欲尋養壽命除是謝著語

其二十八

光祿園中好今朝風日晴天寒衆木澹海晏落潮清  
對酒餘秋興登樓每客情應同仲宣迹七賦記東征

其二十九

徙者皆秋卧寒蟲網戶塵炊壘怯小嬾燒藥強羸身  
皓皓天淫水泚泚土爛人南來二十口疾病各相嗔

其三十

耽詩頭速白憂世眼難乾疾病今都拚行藏更莫嘆  
枯河不流惡陰海慣生寒歸去求仙好山中有竹冠

感事

十萬青夷部傳臨鴨綠磯羽林星騎出幕府玉符飛  
萬國太平久中原戰伐稀誰人對城月長嘯解重圍  
雪後道上二首

墟落斜光澹蕭蕭聞夕鴉朔雲籠短樹早雪宿平沙  
十月海寒苦三季道路賒不須論久病遊倦自思家

其二

凍海連沙白無村四望低病身行役強殘歲物情淒  
雪色迷車跡冰聲雜馬蹄幾季裘褐敝客尚在遠西

白日下雪久已上劾朝奉府檄移印王尉喜  
遂生理有作

綏綏白日雪無事掩官扉海凍結雲淺城寒留照微  
伏林猶滯客解印已忘機喚婦論歸計春風再補衣

朱太復文集卷之三終

朱太復文集卷之十四

五湖朱長春太復著

詩

五言律

癸巳

三十三首

明弟遣岑奴問病喜寄并呼同下

書來每解病僅至若為親念我應惟汝休官是廢人  
衣囊還束早舟楫定開春萬里呼同下江寒好倚身

懷鄭大安仁令遙寄

即報知允并落薦

歎息文章賤知音自古誰一官猶見忌舉世不相推  
江嶺清猿慘海樓白蜃悲寄言棄吏者乞病反東籬

人日暑中煮藥 前二日立春

春冰欲破春人日未歸人淚漬林頭舊花開勝裏新  
乾坤容朽物罔兩妬孤臣托命唯囊藥相携去採蘋  
立春七日海瘴大作歲前移病專苦春瘴羈  
留未放迺命無所

海瘴如踈雨春來更以多無風侵戶幙竟日晦城阿  
官棄身猶在寒侵病奈何悠悠天地濶迺死歎嗚呼

再懷鄭大

天下難知已風流重念君鱸魚今老去鴻鴈不相聞  
病客生涯曠交情出處分何時賦招隱還寄故山雲  
得報移官比部四首

已甘長落羽何意復移枝身廢

君恩在名慚當路推不才終竊祿微命且延絲明日  
還山權長歌天地私

其二

謝病久不放移官今定歸此身且藥物非望復朝

衣河柳迎帆舞江花逐樂飛行行避春海生河反柴  
扉

其三

病馬長思駕生慚未報恩向來愁霧露重得托乾坤  
不死終多戀還朝舊有魂衣冠再檢點此物厭江  
村

其四

感激諸公氣身殘心尚豪免為錮  
聖世不敢薄閒曹生計堪終卧浮名向已逃惟餘流

涕疏欲望輦塵高

舍弟自都馳送還山作別五首

時有請告  
疏付弟代

病瘠沙中在見君又送君來衝海口雨去傍日山迴雲  
久病扁舟急他鄉布被分匆匆秉燭話離客搃難聞  
其二

汝奈長流落吾猶半死生還鄉稍自幸別路更為情  
絲竹中年意江湖萬里程不能相倚去空復悵南征  
其三



先大澆文集 詩卷之古 三  
輶逢啼未了轉別恨無端南紀烟波遠北風鴻雁難  
開囊理故絮贈尔蔽春寒此去無親舊客身好自寬  
其四

脉脉故園春飄飄遊子身歸憐少兄弟客竟仗誰人  
草滿池塘冷機空家室貧須知明月夜萬里有沾巾  
其五

送子望 京邑壯心歎已消煙霞無奈瘴霄漢自今  
遙谷秉駒從老山中桂莫招伏林揮病表灑血付辭  
朝

清明安德

卧對衛河流寒烟水郭頭清明萬里客羸病一歸舟  
東出外矍眈南征逐鷺鷥持竿見漁者吾共尔悠悠  
初葭至故城望董祠

津鼓通郵程雲帆動遠征天涯今浪迹舟楫寄殘生  
雨色凝新柳春花冷故城祠南對芳草淒惻古賢名  
宿夾馬驛夜望

殘霞既沒水白月正當船驛火依沙出春星傍浦懸  
河聲中夜咽柳色數家連今日偷生客長歌對此川

遣日

海客久衰後河春欲暮時  
晴花紅細落晚樹綠徐垂  
枕上來蝴蝶檣邊過鷺絲  
不才成朽廢遣日強吟詩  
過聊城

舟楫春將盡津渠望屢更  
雀莎陰送雨燕麥晚迎晴  
病客非逃世古人有避名  
千幸蹈海意悽斷過聊城  
放帆一咲

細雨白波汙河聲眇眇聞  
驛煙踈屢斷汀樹遠難分  
輓率歌行路蒿師坐看雲  
病夫繞一咲歸計速紛紛

雨泊

孤帆收夕漲野泊兩三家  
纜外春沙沒燈前獨樹斜  
風波滯行路枕席度季季  
寒逼通宵雨鄉心入淚餘  
經南旺分水處懷弟有作

繫纜辭前漲開橈復此磯  
岬分春浩浩湖合日暉暉  
入越從茲下遊燕竟未歸  
別離南北淚灑竹兩行飛  
再宿沙河

孤舟悶風雨再宿坐沙河  
野濶無隣舍春深有卧疴  
餘花翻燕嘴細沫上蜂窠  
寓目排幽興吟成教妾歌

淮陰春盡

餘花此在眼方藥尚謀身淮海維風浪天涯送暮春  
起居頻謝客行路強依人逸寄山中桂淹留托介親  
夜雪初曙茅薦卿侍御過清暉樓看病走謝

關款

宿雪當樓曙山川歲遠觀興來遲隱几客至始簪冠  
竹戶貧長閉癯尊病久乾給風逼爐火不解繡衣寒  
荅董伯念祠部見慰卧病二首

海客餘生在溪樓獨卧深支離成小隱消渴罷長吟

藥竈寒秋火齋厨宿暮陰佛書翻亦懶君苦問丹心

其二

曲苦傳邊思衣寒漬海霜偷生付投老避世豈羞郎  
山雨侵藜榻溪雲護草堂寄言泉石興正已入膏肓

歲暮東行

前棹東谿渺梅花引客船宿冰融渚草寒日澹墟煙  
水國多春事滄浪可暮年亦知辭組意頗為愛山川

立春

殘年高卧頻故國見春新雲物如他日杯觴只舊隣

晚梅分市淺初雨落谿勻白菜冰盤雪憐看媚野人  
行年四十有一始得舉子志喜有作四首

掌珠清可美况是暮季看家世人皆重生涯自此寬  
聽啼黃口健預想白頭歡透膝扶藜杖優游老藥闌

其二

商瞿年較早枚乘業猶遲龍種寧千里蘭芽且一枝  
青箱先澤在朱芾 國恩私幾歲還如父聰明會賦  
詩

其三

病夫身奈老得汝我為人半世經茹苦他年念析薪  
虛名慚薄仕懶性習長貧早望傳經好山中隱角巾

其四

賢愚何早論門戶又新时期朞月懸弧慶初陽剪髮時  
內人調桂綠隣老誦螽斯星鬢垂紳客尊前學抱兒

甲午

小年對雪

菰城終日雪草閣早春寒汨汨過溪急蕭蕭點戶乾  
雲含山意淺沙沒水痕殘萬物開清興孤尊獨坐看

夜宿

野荒成夜宿林鳥亦悽悽村月臨河白舟燈照雪低  
客沽頻問舍漁唱稍聞溪飄泊隨生事江湖意漸迷  
大雪武林塘寄虞長孺

浮雲結春水大雪蔽溪來慘莫依沙密微茫引棹開  
雞聲村不見樹色野多哀直羨扁舟興思君未擬回  
雪後曉渡湖尋虞長孺隱處

乘興度湖清春冰動槳聲日寒分雪淺峯白界波明  
漁父相將問僊雞何處鳴向來授簡客曾有卜居盟

清暉樓邀客春望

羸身起對酒留客坐看春岍柳晴搖娜汀花晚落勻  
畫船遲下渚游女出西隣白日空樓上南湖思殺人  
鄭允昌過訪病留謝

一牀淋雨後三徑往來無白憤因君着青錢喚僕沽  
蛙蔬貧饌薄弄竹小庭孤倚杖逢迎關當知恕病夫  
湖上夜歸

餘日渡頭盡長歌湖外歸春流空水郭暝色帶柴扉  
隔渚漁燈落隣家犬吠稀應門三尺豎迎問主人非

喜吳虞卿過對飲

市門生雨蘚高枕忽連旬老我踈交客于君見古人  
短蕉翻席翠雜竹卧塔新滿酌無辭讓後來酒態真  
送潘大弟碩甫赴試金陵

中外論才俊安仁美少季明經遊太學獻賦望甘泉  
傷佩江花底賓筵 關日邊病夫秋水便來覓孝廉  
船

湯成

花落閉門盡雨餘蒼蘚新弄兒歌遣日謝客卧過春

籬短溪聲遠樓高山意親雖然居近市不見有囂塵

獨醉

守拙貧蕙病無營市亦村雜花吹入榻細蝶舞過園  
犬靜眠尊底僅聞掃竹根一杯成獨醉終日不開門

早秋病起試坐有二三客夜飲

吳俗白酒曰杜茅柴

西塞秋雲落南山夕氣佳幽溪縈市檻明月空官街  
透榻成微步被衣試小齋酒狂三二客酒首醉茅柴

一咲

扶床頻自起力疾且營私頗念移花短常憂曬藥遲

先大漢文集 詩卷之十  
微涼催夕閉宿雨費晨炊正好無人客應門却喚誰  
病起早蒞南溪

雙槩出橫塘南溪引泛長山迎朝旭爽岍蒞曉風涼  
折藕露華白採菱秋水香署即消瘦後吟倚曲潭傍  
入山習靜得慈印上人房

囊藥隨吾隱空林寄客居齋貪僧飯淨即愛佛鍾虛  
湖僻晚波靜山深秋木疎支公正好道共說養生書  
法相定公房秋曉

高木晨光動空山衆響聞竹暉樓澹靄雲護榻氤氳  
清聲覺時起佛香遠乍分此中得佳意長欲謝塵紛  
移居玉岑沈氏山莊

病愛深山隱移居小閣樓竹風分戶翠藤日蔭池幽  
散少有鄰寺供厨得近流高眠片石底樓倚片石甚奇好在  
過清秋

吳大慶卿李太永蝦過訪山中留宿  
壑卧真遊世林扉不過人雨來行屐速晚起著巾新  
翦桂堪留宿烟蘿託意親山中無款物采菽問西鄰  
秀公携酒行南山桂花嶺

先大漢文集 詩卷之十  
雨歇南山爽扶藜秋磴長西厓桂華白數里石林香  
犬出雲邊舍僧携花下觴小招嗟正遠欲隱傍幽芳  
臧用甫孝廉携碩渚茶入山相看

非爾憐幽卧何人踏雨尋携茶問消渴煮藿對山林  
獨鳥依籬下叢花次水臨蘿衣攬秋月好宿聽鳴琴  
雨夜憶弟

閉門燈慘澹雷雨怒空山古魅懸崖末秋蟲泣竹間  
中原有弟在幾月少書還布被今宵夢寒飛萬里關  
卧起

卧起聞鳩鵲門開掃桂花隣人送戎菽稚子煮胡麻  
丘壑踈狂得秋風疾病賒行歌罷巾幘隨意坐山沙

山雨

山雨行人絕庭垂秋莖花藥泉邀近沼炊火乞隣家  
風急時啼虎雲歸暮落鴉收書倚西閣清聽佛鍾斜  
忽雨憶鶴兒遣僮馳看

忽雨木烟蒼山風吹布裳遙憐啼緝子未解說秋涼  
接哺尋翁否亭衣想汝長封書遣相看潮落早開航  
客錢唐秋寄內



先大漢文集 言卷之十四  
梧子黃初落，卿家理夜機。不知江外冷，久望客中衣。  
白髮終無藥，青山欲掩扉。布裙初服在，正好晚同歸。

又寄姑蘇子

秋水見羅裳，芙蓉似落粧。白雲留自卧，明月到卿傍。  
布澁縫寒夜，砧殘寄早霜。渡江卽有檝，得可到錢塘。

秋暮復移湖北棲霞山璽公房

南山幽桂樹，北渚澹芙蓉。避客居頻改，看花興亦從。  
晚波湖際棹，秋草寺門蹤。坐對漁歌落，松風起暮鐘。

贈棲霞山璽上人

支公棲越後，高韻獨超羣。定室三年月，禪燈半嶺雲。  
湖虛秋水濫，山擁竹烟分。邂逅雙林底，清譚宿為君。

自嘆

自嘆行邈次，孤舟風雨還。久遊迷藥餌，高興負秋山。  
子晚亭生事，家貧厭市寰。將營鹿門隱，長托白雲閒。

舟中湯興

秋稻黃金穗，寒蘆白雪花。打桑村圃晚，踏藕岸舟斜。  
歲物蕭蕭落，生涯冉冉嗟。飄然一囊藥，老矣傲乘槎。

乙未

北隣二張伯仲見訪言謝

深谷新屏跡僻地少褰裳招隱過蘭棊論文下竹床  
北鄰棄拓近晚契酒尊長寂寂欣三徑翩翩得二張  
觀魚

新雨湛波綠漁船稍出谿緩過桑瀆外忽並釣灣西  
浦引紅梅遠沙翻白鳥齊竹竿歌未斷風急暮歸迷  
老翁載酒出城携客登閣入晚不歸戲贈

雙溪翻白波高閣領春多雲晏山徐出川長帆適過  
携壺老好事勸酌晚頻歌不怕衝船雨嚴城鼓奈何

雪後清望四首

南湖一夜雪晨起望諸山嶺氣依雲白沙痕映竹斑  
亭臯忽改色草木若為頽泯泯春流廣清分到戶間

其二

水木交清發雲山界眇茫寒鷗宿卧柳飢鵲唼空桑  
平楚延虛望疎梅送細香鷄聲何處出百里見蒼蒼  
其三

寒舍行人絕虛樓坐獨嗟坼波分凍色沙雪激清音  
市鼓依依淺漁帆款款深盃乾無處買一酌值千金

其四

日出雪未釋雲流風乍來初暉車蓋淺寒色洞庭開  
高閣添佳氣空湖淨遠埃茗南清絕地詩興覺相催  
又雪

林清吹乍稀風白已霏霏嶺雪如相待湖烟更自微  
厨人求火出隣老挈壺歸坐看浮山暮蕭然掩竹扉

南湖對雨

二月水冥冥魚山雨轉青雲中浮遠塔浪外湧孤亭  
花色陰微見鍾聲濕細聽竹帆過次第往往入谿停

清暉樓對雪三首

霽霽已連旬綏綏復仲春傍谿融更結點戶拂還新  
凍草迷官路寒烟靜市隣城樓對烏白終日慘相親

其二

古木簇瑤華春溪照素沙紛吹戍樓暗細入客船斜  
褐敝還重補薪窮無處賒市門三尺雪深閉病夫家

其三

庭雪夜相欺沙崩欄半欹病夫頽早起幽興引春籬  
撲凍看花蕊敲冰護竹枝蒼蒼寒樹色晨坐獨題詩

湯七來飲閣上對月

落日嶺參差春湖近酒卮客來登閣處月出罷漁時  
渚淺沙如雪川長草若絲獨船浮火細坐看柳邊移  
獨坐雨歇

獨坐微雨歇時聞桑扈音溪山生遠霽桑柘逗餘陰  
弄笛行船遠觀漁曲渚深科頭對田父語默各無心

信步

桑葉遲餘暉川光上夕扉深村靄浦淑信步歷芳菲  
燕子尋巢入漁翁載網歸隣家說蠶事燈白照依依

行舟

雲木浮山靄蒹葭蕩水流千村蠶熟雨四月麥秋  
閱物徒驚老哀時莫海愁將携遠遊履踪跡付一舟  
王時立聞于湖上閣佳步出見訪飲中同詠

籬豁迎山側樓孤倚水開病夫高枕在好客看湖來  
村菓收桑子園蔬翦竹胎數杯論勝槩落日望悠哉  
寓興

沙坼浮新島田家浴晚蠶山濃夏木翠溪漲夕雲含  
詞賦慙無用簪纓覺不堪百季餘懶惰一室五湖南

前溪泛舟至

晨棹下菰西汀深散遠雞釣船烟際小樵舍嶺邊低  
水葉微風動山禽終日啼徒去泛舟興酷愛此前溪  
喜鄭允升遷南京司諫

詞客官難起清班獨見君署連青瑣月江引白門雲  
暇日遊山好憂時諫草聞病即殊未起望輦淚紛紛  
自黃龍洞歸泛月水酌復謝允昌二首

水酌登山後溪船泛月回嶺霞依渡沒村火帶星來  
魚躍青翻棹螢飛白照杯納涼蘆際好留客釣徘徊

其二

川似雪中白帆經雲際移浦迴燈遠近月迥樹參差  
羌笛前谿曲吳歌子夜詞白壺傾未盡雙漿為君遲  
喜鶴兒

漸喜鶴兒慧知呼燕子回亭衣問客至扶步看花來  
吾老為官懶家風望汝才他年五經笥細向膝前開  
立秋溪雨王時立同賦

驟雨急溪上蒼蒼飛嶺雲風翻紅芰葉波亂白鷺羣  
暑逐沙光沒秋後竹葉聞雪瓜浮水盃客坐政論文

雷雨

兩岬薰葭亂湖昏風雨間電雲翻急浪雷火劃空山  
草閣搖將倒漁舟沒不還白鳧三四片捲雪入溪灣  
初至昭慶呼船泛湖

湖白寺門好無杯且泛船山舍林出潤江帶郭分烟  
秋壑舒幽桂空汀洛晚蓮遊人淥水曲不盡六橋邊

董伯念養疴昭慶寺懺贈

生涯何事恨秋日卧空林貝葉堆牀靜荷華俯閣陰  
逐臣悲九辯俠客取千金試問窮愁作低頭豪士吟

伯念有豪士吟

別長蘆過湖夜初少事

湖夕寒無際秋烟白蕩空鍾清山霧城鼓眇陵風  
槎接黃姑渚波翻紫貝宮仙家別久語咲已雲中

再贈伯念

茂陵多病日詩句直清新飄然看時輩窮愁近古人  
葦絲吳苑暮蘭草楚江春珍重凌雲氣  
君王問侍臣

宿法相復留秀上人 是第六遊十年矣

山翠故留客松間雨香僧歸晚飯後榻對秋雲涼  
入社期空在題詩下忘謝以江海暮獨未厭清狂  
錢塘江干遇陸大震卿赴饒州學博

逢君已白首薄宦赴青氈班草臨江席携書入越船  
病即愁有賦酒客苦無錢各抱悲秋意西風對颯然  
臧晉舛好遊遇于昭慶贈言

頭白唯耽句家貧久罷官酒資行處少生事傷人難  
囊篋千金賦江湖一竹冠相逢蕭寺夜心斷廣陵彈  
自錢塘歸夜行作

山屐經秋老寒衣催客歸滿汀下木葉何處是柴扉  
權爨蘆花短風翻荇帶稀若為明月望少婦夜登機  
吳門陸大枉過奉邀峴山酌于窪尊

白石列羣坐窪尊被古苔酒徒左相遠遊客士衡來  
風葉舞當席寒鳧浴傍臺我家隔秋水一棹醉中回  
閩客康元龍過吳見訪不遇遙謝

霜白華山冠經遊五嶽寒問竒憐漢署倚棹到江干  
竟闌枯魚酌羞題几鳥看匣中流水引何日為君彈

虹

素練飛澄宇橫梁豈晚空疑隨及漢落尚映夕陽紅  
下渚浮光外包山遠飲中流

朱太復文集卷之十五

五湖朱長春太復著

詩

七言律

庚辰二首

金陵鷄鳴山樓秋望

八月西風吹石頭  
空山高閣夕煙浮  
千門自鎖宮  
雲靜半郭長含江氣  
秋歷歷烏衣巷口樹  
飄飄桃葉渡  
鴻舟從來帝里豪華地  
東望鐘陵獨倚樓



除夕

今幸上壽酌樽花去幸守歲不在家  
兩經裘敝萬里客獨倚門邊  
三釜嗟腹書不飽日壯壺漿欲竭  
從隣賒欣欣弟妹論年字雨泥  
滢扉燭影斜

壬午 二首

武林城上鄭郡侯別業

鄭在時減用甫借

萋萋小圃傍城曲曲清池累  
一池甕灌園人不  
停車看竹客心來羣魚自戲  
驚波出鴈隨呼唼  
一谷口資緣今已熟相應  
朋友日

登任城太白樓

一城邊太白樓下臨濟水清  
悠悠首賢一醉已陳  
迹此地千季餘壯遊日氣東  
浮滄海外風煙西引  
春山頭我來欲賦登興畏爾  
詩名不敢留

癸未 十首

送同季陸瞻甫下第還南

城邊立馬送君歸燕地風沙  
二月微失路自憐餘駿  
骨到家誰問敝貂衣幾年  
同舍情何得故國三江  
信漸稀

先大漢文集 詩卷之五  
天子不時詢賦客未將生事老魚磯

戲為艷體智同年方汝愚進士行娶

都下人

五陵佳客少年才初第風流動上台  
絳殿朝傳題字錦翠幃夜泛合歡杯  
干雲彩筆長卿賦對月朱蕭  
秦女臺竄是關情沙燕子雙雙粧罷款飛來

寄酒人曹二

為問烏程舊酒徒春風潦倒唱吳歎  
我來獻賦趨三殿誰共乘舟泛五湖  
卒歲向知衣袵褐暮年今可飯  
彫胡天涯回首窮交客獨有清狂一老夫

送衡陽別駕尤先生赴官

祝融南岳逼荆門七十二峯拱至尊  
雲出迥連巫峽暗花飛直下洞庭翻  
宦遊此地稱仙吏作賦登高命  
酒樽更說少陵祠墓在為余過訪一招魂

送閩中李妹玄進士奉

詔歸娶

送尔翩翩美少年黃河秋水下樓船  
親承漢帝金門詔遠赴劉郎玉洞僊  
客散西風燕市底家居南越海  
雲邊合歡知有吹蕭曲明月遙看彩鳳傳

送陸伯生還松江余出令舒城兼致別

吳客蕭蕭大布衣西風搖落送將歸誰憐居壁空司  
馬獨有文章似陸機秋雨孤舟何日到鱸魚八月正  
初肥相思此後山城遠江北江南信使稀

登金山二首

金山兀聿水中開此日登臨獨倚臺天限東南分野  
處江從楚蜀合流來揚州古郭當雲出京口秋潮拍  
岸回日暮客心何事恨憑高北望只徘徊

其二

雲亭中峙最高頭俯山時江萬里流夕日半牕孤嶂

迥人家兩岸暮烟秋禪宮晉代丹青舊詩碣唐人苔  
蘚留無限登臨懷古意海門風落使人愁

渡江

西風潮落水悠悠船裝瓜洲古渡頭入望鄉雲千里  
近關心客路隔年遊海門煙接長江晦京口山紆茂  
苑秋一入風塵便勞役令人川上羨操舟

赴舒城阻風江上謝周稚尊山人見慰兼問

臧晉舛博士

山人時入金陵訪博士

千船北固坐淹留十月西風楊子頭似我一官遲遠

先大漢文集 詩卷之五  
役嗟君何事共羈愁舊都博士無書到往日懷人有  
句投此去白門江外近幾時同賦鳳皇遊

甲申 九首

寄鄭大

予真高卧卞山阿別後懷君江水波詩句風流今幾  
首酒杯春日醉如何天連吳下鄉雲眇地濕淮南宿  
霧多小吏初來長疾病昏昏無復發狂歌

再寄鄭大允升孝廉

江南江北隔相思潦倒官情 石未知恠有簿書常積

案更無形勝湯題詩山城俗古茅為屋官舍庭春草  
滿池盡說安仁美年少風流不似種花時

邱報見張士師理吾先公今高明考績

五季天末絕來書萬里炎荒官况跡知是循良傳吏  
政可堪潦倒雜蠻居雲中飛鳥今應入堂後吹笙向  
已虛梧水柯山渾不見春風日望錦江魚

吊周瑜城 今為淨梵寺

赤壁千秋吊戰場孤城此地訪周郎霸圖一盡營空  
在里族無傳草自芳幾劫泥屠初地在空村樵牧晚

才大漢文集 詩卷之十五  
歌長三分江左英雄恨獨立春風思眇茫

周元亨謫無為判官集金斗 召補京兆別  
駕送之

搖落逢君泚水邊酒杯幾月即離筵  
嗟賈傅流遷日已見田郎入近天  
此去談兵須自愛由來為俠少  
人憐江干有吏狂相似束帶低頭已一季

送舒進士李宋赴廣州郡尉

千里寒江入越分羅浮山色舊曾聞  
官情莫自嫌參佐海郡由來重  
領軍五嶺地偏多  
茵露九疑天遠隔

湘雲孤城此別無佳客裁得新詩誰寄君

壽春道中憶舍弟消息三首

舍弟向客宣城  
書來言發湖州

故有  
末首

汝寄家書在暮秋真傳十月發湖州  
預欣原鳥飛相顧須識堂堂晚  
獨憂官事苦予踈問寢客程遲亦早  
登舟恠來久待無消息江路冬深更繫愁

其二

弱年豈慣歷風塵憶汝長途千里身  
見說宣城危石嶺更愁黃落隔江濱  
寒天匹馬征衣短荒路孤村旅

食貧幾日風狂太無賴莫教輕易渡中津

其三

淮水河邊南望淒江行別恐客中迷熟知京口通若  
口便可吳西到楚西把酒正思兄弟勸移居且得友  
生携前書約費一季相對須開飲醉作傲傲彩舞齊

已酉九首

聞元孚上書被謫

秋風江口送 徵車春夜聞君又謫居  
聖代中興容直諫逐臣垂老上封書歌寒易水誰相

送酒散高陽客已虛莫去苦吟湘澤畔  
主恩不似放三閤

哀王無夢

不見王公醉唱詩猶聞鄉里說王癡山人里中生平

嗜酒常依客死去無家空有兒草塞洞天春自寐山人

自標合溪山風流倒地世誰知三年死別傷吾道到

曰無夢洞天處無人可問奇

桐廬楊明府東文敏之孫舊湖太守虹澗公  
棊其弟也往曾游湖會予於蘋洲李元潤家

先大漢文集 言卷之十三  
今別五六年矣昨得書自桐廬來哀其父槐  
莊公棄背不獲生受考績之 封索題遺念  
愴然感故賦以遺之

白蘋洲畔客曾來一見憐君海上才  
令弟留傳賢刺史名家遠出舊中台  
幾年花縣為官好昨日雲牋寄我開  
正是空廬恨風木月中秋望不勝哀

遣愁

忽憶南湖秋水涼即看秋月更顛狂  
筠帆木槩中流去權曲菱歌兩岸長  
剡水三更堪獨往伊州一弄斷

人腸兩頭酒客來差坐徹夜須教盡百腸

送鄭大允升北上會試

九月寒霜木葉疎授衣北上去意何如  
莫愁歲晚長為客始及時清好獻書酒  
興旅中當勉強才名海內久吹噓即官  
筆札應相待已見

君王問子虛

九日二首

廬中九日浮雲白欲散未散天昏昏已傷  
陟屺更無處何用登高只閉門獨坐愁縈  
紫萸佩故家歡盡黃

朱子詩文集 詩卷之三  
花尊三豨一酌几筵冷欲誦招魂已斷魂

其二

重陽獨卧東溪巷去歲曾登舒縣山人事初傷遠出  
處秋風空復憶躋攀高天沙雁過相叫落日城烏飛  
自還菊酒延年寄將父孤尊寒暑鬢毛斑

秋游湖心亭

孤亭獨立水中開山色湖波四面回早晚魚人提網  
集晴天酒客放船來飄飄藕葉流沙渚泛泛鳧雛上  
石臺廢却不須重吊古宋陵南望已蒿萊舊為湖心寺

入靈隱故處士李岫巖山房

竹槁花凋閉寒扉落日深山遊客稀種藥尚傳居士  
隱叩鐘惟有老僧歸空留法偈蟲行壁香絕齋厨水  
落磯淨業似君今不見他年投老欲何依

丙戌 五首

荅廬江司理馬府君長平書問

千里淮淝客宦餘人來傳到使君書已非趨府為官  
日莫問陵雲賦子虛夜月蜀山楚入夢春風吳苑坐  
愁居欲憑茗水通江水不肯西流到古廬



夏日雨後同費二重遊湖心亭

湖浮菡萏蕩舟遲亭倚垂楊暮望時雲物依然新對  
酒山川長似舊題詩去秋遊 畱有詩風傳妓樂過遊艇天曠  
漁歌起釣絲勝地每來拚盡醉不妨明月送歸遲

重遊巾子山劉氏山樓

最憐山閣倚山頭每到西湖看未休落日正低飛鷺  
嶺歸船還集釣魚洲近人花竹添新賞應客兒童識  
舊遊從此願園來更熟不須問主自嘗畱

聞孫世行比部上疏謫潮陽典史

孫郎年少氣如斯三載相聞被罪時諫  
主一書真誓死逐臣萬里更何辭極邊尚得移家住  
末官當知荷

聖慈若到韓山看海處好將投吊退之祠

蓮華莊飲文學李永嘏蓮池

城傍秋水古橫塘四面蓮華學士莊舊是趙子昂學士莊門對  
曲池如野外客來張酒盃籬傍魚翻翠蓋浮浮淨風  
落紅衣冉冉香日暮似聞游女唱江南古曲意偏長

丁亥 二十二首

春雪五首 正月四日

一夜春陰結白雲孤城曉雪意紛紛紫空點地跡無  
次夾霰飄風颯有聞倚岫寒林歌幾樹入籬喧雀動  
成羣聖廬慘莫方無賴觸竹愁人愁更愁

其二

歲前春入雪不見歲後雪來春已訖冥冥寒侵穉柳  
細垂垂風雜落梅多初飄籬岫魚猶躍忽擁河橋人  
不過夜發晨書占歲事呼將隣老問如何

其三

裊裊綫綫意澹迷蕭蕭忽忽草煙低林光風過微分  
柴鳥意寒深怯不啼酒豎華兒來北里漁師收釣下  
東溪邊城窮巷柴門閉獨引蘭生看早梨

其四

高堂不見頭如雪下里空慘雪似衣淚盡白華原草  
冷望深黃竹關雲微無端寄興園中簡有意懷人市  
上扉連日鄭王踪跡斷陽春獨唱和仍稀

其五

浩如秋水浮五湖朗若明月臨方壺青迷金蓋峰隱

見白蕩水晶宮有無扁舟門外客不到濁酒爐前興  
自孤樓頭小婦醉擁褐恠殺紛紛啼夜鳥

人日費二德甫移酒過

人日愁人愁索居晴雲當戶坐攤書地偏懶性無巾  
櫛客到開門始掃除寒水白浮生雪菜春盤紅縷上  
冰魚看君醉態狂長好頭插梅花對月踈

早春遊玉塵山月泉亭

白日青山礪道斜沙邊草色動年華非關聽法來依  
樹自愛名泉欲駐車塢裏齋厨過野鹿竹間禪榻落

梅花寺僧不是陶公社獨傍溪橋歸路賒

送盧外翁赴部并寄舊遊諸公

離亭酒上阿翁前春裝征舟下若邊烈士莫悲終不  
遇為官猶喜未衰年情親冰玉依在路速雲殘細  
細傳金馬相逢吾有客并將詞句問談玄

贈姜司訓龍源

金華人大叅肅軒先生之子

一片青氊坐冷衙風流元是出名家喜無吏事晴開  
卷賸有幽情晚種花堂後不妨頻奏管門前常欲自  
焚車蘭溪酒美携仍近更許無錢鄭老賒

王時立溪上小築成與鄭大允升各賦四韻

霸王門外溪如玉愛余臨溪一室虛結構頗諳林石

趣清幽恰稱野人居城雲每日黃浮戶山鳥無時白

下渠肯許小舟乘興至竹欄東畔有園蔬

過孫太初掛瓢堂

堂外即太初墓同王時立作

金蓋山邊宿草春掛瓢堂下吊詞人數篇清曠堪吾

友一壟淒荒與寺隣客裏可憐無氏族世中難得此

風神遺文殘碣存前輩更想當年交意真

墓碑是北地李夢陽

文寓吳江右劉麟書

詩謝臧用甫遺顧渚新茶

茶經聞說渚山名月峽

山有明月峽

春風細細生纒是初

芽餘

御品

此茶以清明採進貢

宵分纖葉到孤城靈泉并

憶金沙淨

山有金沙泉

仙液真浮玉盃清他日故人揮塵

坐松濤聲落對談情

過王十伯文書齋與王大時立同集夜酌二

首之二

庭雨疎疎尊酒清故人相對十年情淹留已自慙彭

澤疾病如何卧長卿

伯文久病

種藥栽花堪獨隱藏書識

字尚知名古來著作窮愁事閉戶玄經何日成

大計後慰臧晉林博士

別來三徑憶悠悠昨見銓評動百憂  
罷吏雖皆官落拓才人獨惜余  
風流鄭公嗜酒錢常少屈子懷君賦  
盡愁豈是文章真如命飄然四十老滄洲

費二送櫻桃札有櫻珠看摘樹頭鮮之句因為足之成詩

櫻珠看摘樹頭鮮青葉包來絕可憐  
幸未墮風圓纍纍轉因着雨淨娟娟  
印傾玉梳光浮眼想到春園色

映天明日新晴偏爛熳百壺携飲勝花前

病中簡謝鄭允升王時立

桃枝小席竹匡牀日日南牕高卧長  
媿說著書成肺病空思燒藥試丹方  
清羸衣怯梧風冷窸窣門間蒿  
徑荒只有故人時下榻名談擁膝對無妨

送李比部元潤先生北上

解頤匡鼎久知名白首馮唐入帝庭

天子不時過玉輦郎官未可厭承明  
法曹無事吟偏好都邑頻荒吏貴平  
潦倒三年湖上卧送君北望

壯心驚

秋日城南望水

城南木落已深秋  
城下茫茫漲未收  
碧草盡從沙際沒  
青山遠向浪中浮  
可憐農舍為蛟室  
惟見漁竿倚釣舟  
滿地飢烏啼未斷  
晚來風急使人愁

喜立甫使君重過吳奉簡邀飲

曾負春風若下杯  
長瞻秋月越王臺  
林頭醪酒留仍在  
江上寒帷喜又來  
豈無山屐登高好  
已備溪船逐浪迴  
地僻愁多交接少  
今朝吟興為君開

陳立甫遣吏遺新詩敬荅并邀立甫楚人

使君許赴草堂筵  
曉署新詩遣吏傳  
五馬光輝分借重  
三湘詞賦共周旋  
供厨可恕貧無具  
投轄應知興故偏  
霜白雲青中夜靜  
浮杯細細坐談玄

奉陳使君遊峴山同鄭允升各賦近體七言

風雨不得泛湖

霜空木落黃雲低  
南城峴山烏晝啼  
亭邊野席正依竹  
寺下官船橫在溪  
高歌向晚谷風急  
欲往乘流村雨迷  
百季良集好盡興  
來日湖中酒更携

因便寄舒朱博士邦喜

西風十月具區波憶余逢人寄浩歌江縣雅遊今遂  
遠寒官清興近如何窮愁倍覺酣歌好湖海寧期會  
面多不念荒廬孤客在鹿山時有塞鴻過

戊子十八首

送水部黃履常以使邊暫還北上兼呈座師

太史公

使星移 關赴 王程若下題詩送客行秋月曾駈  
邊馬靜春風今上越帆輕欣看侍直即官美遠憫承

家太史名庭際儻詢廬卧客二毛欲老舊門生

黃履常南還就李值病苦未一走會而履常

已發復作此致意

分手秋風燕市臺空廬淚盡白華哀即聞驛馬還  
朝促實負溪船泛雪回病抱孤尊雙鬢夢文論四海  
幾人才水曹何遜多清興那處題梅折寄來

王伯文請題茅齋

森森枯木抱寒廬窮巷卑棲興有餘為圃欲栽三徑  
竹下惟長著一牀書病中悟得仙人籙名下時過長

先大漢文集 詩卷之十五  
者車似公襟真存古道他年隣築意何如

送德清明府陳岷麓赴 徵北上

春日趨 朝雨露邊山城鳴鼓簇官船傳聞父老吳

歌苦正是循良藻吏遷內侍合宮承 願問清班畫

省重才賢東南民力君親見擬待封章達九天

送施慕源親家赴 益王召之任

壯遊莫為左官哀大雅 賢王正愛才未許卜山招

隱去重開脩竹待君來朝裾殿外春承寵屬騎江邊

暇可陪久憶麻姑仙酒好幾時分得賜殘杯

午日有懷初第 賜扇

當年初仕趨 朝日端午曾叨 賜扇名片月移來

前殿曉九華捧出內人清驚心節序孤臣速伏枕江

湖萬里情留得仁風

主貺在開緘披拂望承明

聞鄭大允升戒酒戲贈

詩酒相從十五年風流潦倒滯高賢空耽佳句成何

用即斷深杯更可憐歲晚江湖應獨壯家貧妻子累

常寧也知自古高陽客日醉千鍾無一錢



先大沙文集 詩卷之十五  
借得邵大白鷺居在南屏山下先此簡寄并  
約令弟三姊丈

西湖之水清如烟南屏秋山更可惜借來小園幽有  
致却坐曾軒清滿前夕陽秀木中峰外夜月踈鍾東  
院邊肯携季子我姻婭載酒題詩泛余船

石屋洞

山深洞古空雲根秋草平蹊下有門立壁虛牕成屋  
舍穿風照日別乾坤禪床新有石床僧子栖長寂棋局新有  
石仙人到幾番若使避秦知此處不將雞犬悞桃源

題夕照軒

愛余中峰峰下園簾開夕日正當軒踈踈半映雲邊  
落淺淺微留竹上翻乍逐江虹明遠飲時連山月照  
清尊坐來庭際如秋水風急湖昏未閉門

八月十六夜吳大虞卿索酒重泛西湖

日落湖西動水煙石槁提酒更開船故人重裝中秋  
興明月還如昨夜圓嶺樹白懸危塔際寺鐘清過遠  
江邊孤山翻喜無歌舞湖濶亭空坐撫絃  
登吳山城頭望海

高風鐵嶺古城頭落日西陵見越州渺渺欲空江氣  
晚茫茫不盡海煙秋荒涼舊苑千門寂宋大內在城下鳳皇山  
搖落孤吟萬里愁知處蓬萊近秦望客心乘興欲東  
遊

山雨夜坐

西湖岍頭雲欲昏南屏塔邊雨閉門九月裁縫隣舍  
子三更織杼誰家村客遊悽悽倚長劍秋風淅淅吹  
孤尊人生壯年不得意野火山精啼斷魂

遊集慶寺瞻宋理宗遺像

宋帝初開玉殿尊遺容亦在此山門龍旂彷彿宸遊  
影金盃荒涼古墓魂寺後閩貴妃墓在半嶺僧鍾餘落日千  
秋樵徑自空村從來賦客江南意悵望西風動野原

九日

重陽閉戶病夫家獨坐吟詩溪水涯幾向白廬生白  
髮不須黃酒泛黃花涼風暮雨增秋氣落葉哀鴻動  
客嗟一滯南江身漸老每看北斗淚橫加

寄問湯太常義少

為問金陵醉太常別來好得舊時狂錦袍泛月當何

夜長笛臨江更倚床地潤數年書曠絕家貧孤客病  
淒涼逢人偶寄長相憶潮落秦淮望渺茫

寄宣城司理呂大玉繩

宛水悠悠古郭涯宛陵寒色謝公齋風流此地為官  
好暇日臨江作賦佳千里乘舟堪盡興幾時把酒共  
開懷身羸家難淹孤客門靜廬荒掩暮街

冬至

弈弈東溪有客愁  
年年長至獨登樓  
五湖雲物開殘  
樹萬里寒風入  
敝裘春事屢拚  
過涕淚壯心無  
奈滯  
滄洲平生懷  
主羈孤意此日  
催人欲白頭

朱太復文集卷之五終

朱太復文集卷之十六

五湖朱長春太復著

詩

七言律

巳丑 三十二首

元日二首

正旦今幸春意早驚梅拂柳動容華朝烟澹上東溪  
水初日晴開小吏家尊底試浮新柏葉匣中檢點舊  
枌花湖南風候催鶯燕幾歲愁人獨坐嗟

其二

登樓望遠一羈人  
歲節愁隨新歲新  
淚盡五湖無那  
老身孤萬里  
又逢春正朝曉漏開  
金殿廂樂和風  
吹紫宸何事雙鳧不飛去  
白雲江渚坐傷神

夜東沈水部少卿

白蘋洲上五季卧  
巷塞枯蒿少  
往來自是棲遲為俗  
棄欲將懷抱對君開  
風雲詞賦新郎吏  
山水盤遊舊  
酒杯已命山妻撲醅綠  
方舟溪口未須回

寄鄭允升進士初第四首之三

五雲瑞列南宮啓  
三殿臚傳

北極尊文物  
此時開草野  
聲名一日動乾坤  
獨憐廬  
舍孤臣影正想臨軒

天子恩拔擢  
壯年無寸效  
彈冠西望欲銷魂

其四

花落江南對酒危  
金門萬里到書遲  
請看曉漏朝  
君日正是春風憶  
友時意氣即驚豪  
客坐風騷雅與  
古人期百年感慨  
求同調今日如公  
更得誰

大隱園

題陳立甫園八詠之一

先大漢文集 言卷之十一  
太丘名德楚詞臣玉樹翩翩更出塵買地一丘當郭  
畔為園五柳照江濱丈人抱甕客來往漁父滄浪可  
接隣真隱不須論大小從來簪紱有松筠

遠觀樓

題陳立甫大隱園八詠之四

三楚煙平南紀秋登樓目盡大江流巫雲澹閣騷人  
賦渚佩蒼茫漢女游清嘯陵風向縣圃孤琴明月對  
滄洲一經吏隱稽山遠海市茫茫動客愁

清暉樓初成五首

城西山水發清暉城畔新開樓勢微落日長臨天目  
下白雲時際太湖飛初巢燕子頻窺戶夜宿漁人近  
倚扉疇昔林泉抱高意結廬稍喜興無違

其二

乘高秋宇霽雲寬望極西風爽氣寒半郭孤烟橫地  
出衆山秀致入牕看雨疎城上行人小月白溪邊落  
木殘每日坐會心隱遠此身猶覺礙微官

其三

曾軒結構俯溪流何似烏程舊水樓古木平臯風娜  
娜游魚寒渚日悠悠敢言作賦千年事自恠悲秋萬

先大漢文集 言卷之十一  
里愁未老雄心降未得滄洲獨坐媿沙鷗

其四

平生僻性違人用傍市荒居少客通沙檻朝來翻野  
鶴村杯夜許過隣翁小琴獨坐延孤月長笛誰家送  
遠風尚恨詞名竊前輩傍人錯比水晶宮

趙學士宮  
在郡城橫

塘

其五

小樓風物足生涯三十餘年此是家木榻貯書數萬  
卷水籬供釣一孤槎風塵未遂間居與身世長羈懷

七嗟皮几竹冠初服在擬將投老坐烟霞

九日同客登釣魚山六體六首之三

悲秋海畔滯風塵令節山頭強此身白髮幾年侵病  
客黃花今日咲羈人霜楓漠漠菰城際宿鴈淒淒茗  
水濱且插茱萸鬪強健西風壯士莫傷神

送張都諫座師慎吾先生赴謫閩中

先生此別意何如酒後蒼茫獨上車萬里遷人行向  
暮一封憂國恨常餘江邊帆色寒潮小海上猿聲  
夜月跡未必

君王忘汲孺不須流涕續騷書

初抵潯墅關訪李舛玄使君會使君虎立之  
遊不遇歸聞使君遣數騎閭門相覓東此致

謝

不見即官近十率山陰夜興到關前差池物色城門  
騎悵望酣歌山寺遊舊蹟長洲遺勝地寒風遊客未  
迴船遲將李白江東興明日蘇臺共醉眠

虎關夜月飲李使君署使君期遲陸大震卿  
不至

湖南獨卧違交際海內相從此客遊落落江風吹署  
裏娟娟寒月照關前淹留語入清宵好潦倒狂憑故  
舊憐何事士衡招不到三更鶴唳正悽然

戲代內盧寄問留吳買妾

開篋縫裳問客遊青絲朱舫去悠悠君邊明月黃金  
谷妾處寒風絲鳳樓獨上殘機不成匹誰言故劍肯  
相求清歌子夜今何處若個含情竟莫愁

答內

夜來冰雪歎離居朝得湖南思婦書錦字盤中呼伯



玉白頭吟裏怨相如也知桃葉渡江晚政憶簫聲對  
月虛不信但看衣上結纏綿猶是故情餘

吳門懷古八首

吳趨一曲越溪頭遊子支離繫客舟漸老窮愁天地  
在殘年悵望古今愁闔閭城上黃雲莽范蠡湖邊白  
浪浮遺事千秋不堪問西風回首正登樓

其二

泰伯高風久廓寥廟前殘石對平橋率深古砌無高  
木日落空江自晚潮千載行人詢舊里三吳文物託

前朝可憐季子同祠像一朔興亡恨未消

其三

伍胥門外越城高戰伐深悲相國勞一死竟餘吳地  
沼孤魂猶怒浙江濤紅顏浣女隨流水白髮漁翁伏  
寶刀烈烈平生報讐氣蘆中歌罷使人豪

其四

要離墓頭枯草根專諸巷口暮雲昏可憐一諾焚妻  
子正想千軍窟室門身借報讐呈劍術名留刺客荅  
君恩江南俠氣千年在白日誰招幽鬼魂

其五

多少紅顏不見知，偏教絕代說西施。  
春風浣石行游跡，夜月鳴廊歌舞時。  
一去扁舟亡國恨，五湖烟水美人思。  
芳魂玉骨歸何處，怨入吳宮楊柳枝。

其六

遙憶吳王破越回，百花洲上錦帆開。  
軍人獵犬乘秋疾，美女蓮舟入夜來。  
寒日菰蒲淒茂苑，昔年楊柳傍荒臺。  
傷心遊客江東恨，霸氣黃池安在哉。

其七

廓落長憐陸士衡，洛中二僦早馳名。  
一時詞賦生無敵，四海兵戈死未平。  
舊姓淒涼難問族，後人文藻正含情。  
古來才大多招忌，愁絕華亭夜鶴聲。

其八

關內胡塵暗不開，江東少兵歸去來。  
扁舟蓴菜白雪縷，八月鱸魚秋水鰓。  
作詩不多有獨韻，嚴官一往無相猜。  
也知人生適志耳，昨日銅駝今草萊。

李使君姊玄以阻冰携酒寒山寺，遣騎邀同  
陳公衡永嘉令同年，顏左史範卿夜集同用

清宇

陳顏俱海上人

寒江冰合斷人行野寺慈開走馬迎吳越風流今夜  
集天涯爾醉故交情踈踈月外漁燈淺細細林中僧  
梵清小豎鳴箏歌子夜當杯一曲壯心驚

次日并玄同左史訪公衡暨予於閶門船次  
予復留酌客舍會并玄夜以事還關署因嘲  
之同用十一真

昨夜酒杯野寺親今朝繫馬更水津挾琴竹下尚餘  
興沽酒客中敢謝貧朱樓寶瑟誰家女白月吳歌漁

父隣未必便成輕薄尹從來傾倒向何人

吳園同李使君并玄觀孔雀使君請予賦七

言一章

珍禽南海不凡才誰遣虞羅入苑來躑躅向人嬌影  
惜離縱照日翠屏開一身自負文章好萬里寧招鳥  
雀猜長翻秀衿愁老去雲霄高舉忽悠哉

閶門贈屠長卿

白毫黃冠髮欲皤倦遊可奈故人何一官放逐名長  
好去老詩篇愁更多分手十年歡此遇繫船斗酒好

相過江湖予亦淹留者拔劍燈前為楚歌

除夕二首之二 元日立春

今幸除夕逢年盡小市東風逐夜回爐底寒尊浮翠  
栢軒前高燭照紅梅舊來莫恨長留滯春到還須縱  
酒杯拂劍狂歌問妻妾平生報

主尚雄哉

庚寅 四十

元日二首之二 是日立春是春公除

春王正月屬今朝人事天時喜倍饒風俗一杯除涕

淚衣冠元會望雲霄好携孤劍趨強仕擬試微官荅  
聖朝同輩十年都要路豈能獨老對漁樵

雪霽江士類劉令名買船泛西湖二首

南屏白雲入暮微西冷古木澹霏霏水含落日開遊  
舫雪滿青山照客衣有興烟波乘獨往故情尊酒得  
相依浦梅砂鳥親人在嘯咏衝寒未擬歸

其二

積雪凝山靄早春諸峯暮色正娛人且乘雪興泛湖  
好莫厭山風送酒頻水木離離孤郭際鳧鷖蕭蕭斷

橋濱歡遊未反王猷艇盡醉休羞陶令巾

散步會稽郡治得登鎮越堂春望因懷郡丞

理吾張先生之作張方借署諸暨

越王臺殿枕山阴山郡猶遺鎮越臺秦望日迎晴雪

出禹陵春帶海烟開雲浮仙氣金銀眇俗化文身玉

帛來此地從來巖壑興蘭亭不見右軍杯本謁張師借署諸縣

不值

赴諸暨道中先寄座師會稽郡丞張理吾先

生五首

宿雨駟車出白雲諸山縣色望氤縕得看花姥詢西

子為逐春風訪右軍巖壑頗娛遊客意風光欲遣使

君聞村花冉冉溪光遠古道悠悠日氣欣

其二

萬壑高林羨曉陰平湖涼色正沉沉人過諸塢寒烟

淺馬渡乾溪春水深宇蓋借分花縣政青衿遙憶樹

桃心懸知張禹笙歌在今日升堂更聽琴郡丞張先生乃予鄉

書舉

其三

日出林烟處  
反新物華晴  
望轉怡神稽  
山雪積開秋  
月芽少雲生  
映早春黃鳥  
谷深藏樹細  
梅花風過落  
江頻遠遊  
必識佳山水  
一一書牋問主人

其四

行近江湖浴日微  
回看滄海白雲飛  
土風僻境人尤  
古農事春新牛正肥  
行李他鄉莫愁困  
師生勝地好  
相依蘭溪美酒厨  
應有七十湖頭未擬歸  
諸暨有七十二湖

其五

黃帝臺邊別若何

張師以庚辰春別于燕中

美人湖畔此重過未

愁落拓青雲滯且恐風塵  
壓白髮多今夕尊前憑細語  
十年洛下憶高歌山風  
潤暮馬蹄急喜見城頭江水  
波

舟下西江懷別張郡丞座師

朝雨山城別使君孤舟  
不下惜離羣行迷東越江干  
樹眼斷西施灘外雲華  
酒中宵何地再風塵一去隔  
江分他率縱蕨山陰興  
安得蘭亭有右軍

送鄭允升明府赴安仁

行計鳴琴到越東  
桃花政好照車紅  
新詩遙想才人

先大漢文集 言卷之十一  
作妙政還傳循吏風  
原嶼難聲中百里靜  
仙鳧影亦五雲空  
可知潘陸時名並  
先後弦歌興許同

王觀察經師槐亭先生載酒邀登峴山見送

北上

驛前楊柳拂溪流  
別宴青山上客舟  
碧院鳴琴春寐  
寐玉湖對酒晚悠悠  
行看烟樹亭鄉思  
欲赴風塵戀舊遊  
便與先生東道遠  
絳紗清樂繫人愁

吳關夜飲李姊玄臨別再贈

寒冬夜雪屢高筵  
今日春杯更繫船  
脩竹蕭條官署

在暮江寥落客牀懸  
壯遊久帶身多病  
俗吏才疎世豈賢  
明日度關携劍去  
折腰何處向人憐

過錫山乘小船遊第二泉之作

第二泉頭春色深  
林光石氣霽陰陰  
白雲曲塢藏僧舍  
初日空山靜客心  
枉道經過乘旅興  
扁舟淹泊試微吟  
平生到處貪遊賞  
未許浮名累此襟

登金山寺與湯敬先舍弟明言別二首之二

江上孤峰倚棹遙  
看落日暮江澄  
汀沙歷歷分京口  
烟樹蒼蒼出廣陵  
岐路殘尊依小弟  
風塵浪跡坐

高僧潮來兩岬長干曲行客茫茫意不勝

維揚徐太守止訟以官署談故有作

太守故官廬江子其

舊吏也

維揚驛口夜潮回太守出前白鶴來地合江淮雙使  
節情追郡縣數行杯提推後進恩常好留滯頻奉  
欲摧此去飄零老從事雨將狂氣向誰開

高郵州遇給事沈十三性甫南下停舟暫話

即別

漢署趨陪歲已遙邗江舟楫偶相邀蒼茫歧路談難

盡忽漫離亭帆更飄風急我乘淮水渡月明君下  
廣陵潮望鄉今夜兼懷故夢入相思到兩砧

翰林學士黃葵陽座師先生請告南下久遲

不至

謝病深知學士悲還山何似侍

君時恠來驛路官舟滯猶是江湖魏闕思公輔望高  
名下忌風波詭逐影中疑相逢欲剖心相報國士  
啣恩舊是誰

儀部陳大立甫告病南下夜停舟會於桃源



向疑立甫已還邈近津途尊酒談故情溢乎  
辭

錦纜相邀宿暮雲桃源縣口忽逢君官亭漠漠遲歡  
會驛樹蕭蕭解惜分長夜清燈憑話舊大河涼雨照  
論文淹留為盡卽官酒明日離歌誰更聞

上投河道御史大夫潘公

漢爵中臺列上卿禹功四載並高名黃河五月輸漕  
穩白首 三山鎮節榮膠漆近延公子願吹噓舊荷  
尚書情 公故為司寇子以進士久辱試拔 懸知早晚山公入肯使泥

塗滯後生

聞司寇潘公奉 詔祠泰山禱雨喜望之作

聞 詔尚書走岱宗

至尊憂早禮東封壇烟廟樂浮三觀寶錄名香下九  
重豈有晴雲生漢時便應風雨滿秦松孤舟日夜喧  
隣哭一想甘霖慰老農

早朝午門作

五夜仙雲結露盤九門衛甲散星寒省槐娜娜迎朱  
珮閣燕飛飛遶玉闌

先大漢文集 言卷之一  
聖主近御勤中殿席小臣班阻外朝官十年浩蕩江湖想一望銅龍拭眼看

同門集於錦衣鄭二兄弟有作呈諸公

諸公舊有

此會予以赴補暫與喜溢乎辭○有序

宴集同門清時雅舉因緣偶坐欣感橫心日維暑也雨以颯然北極之雲初浮西山之景夕淡將軍西第戟楚楚以臨庭名客東曹馬班班而在戶解衣盤薄有酒綢繆高論暘於玄風聚賢占於德曜一時珠玉誰價重於南金他日封疆獨神搖乎北

首烏之求友人豈忘知謀成七言志懷三益奚徵永好之報無負同氣之求

上客青絲白玉鞭將軍朱第綺羅筵西山暮雨開林際北關浮雲度酒前契闊久思高會好追陪暫託故人緣清時宴賞誰無戀醉指明河望九天

### 碧雲寺感事

禪宮雲近九天開聞說山經萬乘來碧澗龍旂留御座玉梁魚藻照春杯天書此日瞻亭榭講座當時想扈陪是小臣留滯久太平欣望事悠哉

西山聞補吏冒雨歸

雨滿西山湖氣虛歸鞍衝濕意何如自憐官事羈人  
早頗覺游情戀物餘地主空勞供騎此身終愧勝  
緣疎迂在丘壑宜相傍借問何年得遂初

代送水部郎孫公使清江便道歸省

羣公祖帳出 都城秋日即官結綬行 詔典水衡  
分使節路經海雨濕離旌洛陽鄉樹瞻依地淮口孤  
潮客宦情聞說庭闈尚強健知君心未厭承明

出 都又作

朝辭衝雨出 皇州此道十年走未休自媿微才猶

作吏那堪去 國更悲秋簿書碌碌空催老城 關

悠悠遠繫愁連日秦中烽火至小臣倚劍亦多憂

得李司農林玄自德州河過遣騎卒馳書相

問兼致詩章

孤城騎卒奉牋過前夜知君渡衛河却恠一官羈會  
面那堪片月寄離歌吳門縱飲狂難再漢署趨陪遠  
奈何聞說相如近羸瘦正憐消渴著書多

書來秋病  
骨立

邊將八首

隴右兵戈竟若何  
燕中消息轉多訛  
湯傳都護初清塞  
復道單于夜渡河  
諸將好今思李廣

至尊勞獨問廉頗  
泥丸百二神州地  
莫使秋風獵馬

過

虜陷洮河

主上御閣台輔臣問將

其二

黃河磧裏種蕃鷄  
莽刺川邊雜虜梟  
十萬橫行秋馬健  
五千陷沒戍城蕭  
見傳太守親乘障  
無復將軍逐射鵰  
雪恥犁庭今日事  
漢家須用霍驃姚

副將李聯芳以師五千禦虜戰沒

其三

回首雲中久候機  
護羌將士解戎衣  
名王屬部今反復  
牧馬和親有是非  
國計百季須一戰  
邊城累月

已重圍寄言經畧西司馬  
好奪燕然勒石歸

時遣大司馬鄭

公經畧西邊

其四

中宵轉戰大軍奔  
兩月匈奴出鴈門  
胡馬盡駘歸馬壯  
塞人還得幾人存  
黃沙古磧征夫骨  
白骨南城思婦魂  
滿地蕭條

君不見猶聞將士乞 殊恩

其五

昨日 詔書曾罷市 早時將令已開關 黃金白繒紛  
需索帳飲筵歌自等閒 天下供儲荒歲後 朝廷恩  
遇用兵間 諸公戮力同扶 國莫使長駟近紫山

其六

荒雲莽蕩入邊愁 借問西征久逗留 推轂安危天下  
寄運籌 持重大臣謀材官新募千金士 裨校高懸萬  
戶侯師出有名兵氣壯為

君立斬郅支頭

其七

漢家陵關近長城 逆虜先年屢震驚 將相盡貪休旦  
夕犬羊誰敢問 縱橫明珠夜月闌 過塞美女秋風唱  
滿營 回首羽林年少盡 請纓空見說書生

其八

處處沙場少健兒 紛紛幕府事堪疑 朝宣廟捷封侯  
早暮檄軍書滅虜遲 國令亟須明賞罰 將軍莫更  
恃 恩私小臣眼暗談兵錯 白草青烟望摠悲

先大漢文集 詩卷之六  
九日縣中卧病作

今朝寒落杯中酒宿病羈孤海上城苦厭黃花侵客  
思未教烏帽惱官情江關弟妹書難得胡羯兵戈警  
未平總覺悲秋耐留滯西風萬里意縱橫

病中得樂廣文之初書

朝來擁褐坐支頤官署秋高木落時多病卧長悲作  
吏故人書到問題詩海邊縣僻無山水天上交疎枉  
夢思宿昔風流銷欲盡唯餘嬾惰報君知

費二歸寄舍弟

白鴈南飛日念君惠連詩句未相聞中季倍覺分離  
苦萬里邠堪疾病殷雪裏舊園思對酒海邊小國卧  
看雲故人歸到憑傳語頭髮秋如落葉紛

長至

冬日長至日初長遠在海東拜御床陽和萬物轉  
生氣天地孤臣滯此方幾時雲漢雙履入昨日江湖  
兩鬢蒼簿書十年竟何事烟塵四塞意倉皇

渤海王公子嘉植歲暮從遊酌之贈言

皓雪空城北海濱一官寒落坐風塵敢勞束帛過佳

客若問文章媿古人庭有懸魚供具薄才憐倚馬製  
詞新帳中書籍平生在早晚過浞邑是隣

朱太復文集卷之十七

五湖朱長春太復著

詩

七言律

辛卯

四十首

元夕前夜乘興至永寧寺邀伍張王三廣又  
露飲夜半始散

春城春夕可憐春春月行遊夕興新霜靜千家燈細  
細天空孤寺雪勻勻長廊繫馬留賓客雙樹傳杯散

先大漢文集 詩卷之二  
吏人夜半歌聲聞巷起欣看風物樂吾民

寄書河間別駕張公附問南信

河上雙船別使君海傍萬里滯孤雲客中得病過寒  
雪愁裏經春卧日曛五斗自嫌官碌碌尺書相寄淚  
紛紛半季不見南來鴈鄉里逢人一遣聞

渤海門生王家植家植宋懷誠徐之沂崔廷

試夜談署中

時五生以直指使君徵習歷下  
枉縣見別

鳥落高槐閉署門玉盤銀燭照雲昏諸生英俊升堂  
好此地風流碣石存愛客儘教傳置驛貧官猶幸未

空尊醉來有榻懸堪卧帳底拈書細可論

對月

千乘城西白霧開九河沙曲斷潮迴邊隅落日風常  
慘海口初春氣正哀南國更遙空夢去北人雖近少  
書來自然對月淚堪下何況啼鳥聲更催

臨濟河

二月水生白映天小清河邊清可憐即看細草縈波  
色復有青山照日烟薄暮暫停官道馬春風徐放渡  
頭船桃花此日江南樂乘興令人憶剡川



先大漢文集 詩卷之二十一  
暮春崔德平成甫携酒遊豹突泉二首

歷下名泉天下無，歷門山色照泉孤。  
春來楊柳更多意，日暮流鶯還自呼。  
萬里登樓消客興，一觴曲水豈吾徒。  
白沙青藻相留戀，莫遣驪駒放玉壺。

其二

天邊作客正悽神，水上從君發興新。  
春日山川須縱酒，野情花鳥更娛人。  
小橋絕磴希通馬，高柳橫塘不過隣。  
歌罷滄浪問亭伯，肯言吏隱是吾真。

登華不注山

嶺湖東畔華峰好，乘興登臨落日閒。  
春色野烟勞悵望，白厓危石費躋攀。  
雲封邶邶泰山際，仙關離離滄海間。  
萬里悲風催欲暮，極南何處是鄉關。

病起孟夏出郊暮還署有作

大麥初黃小麥黃，小麥員海濱。  
積壤種秋田，陰陰白柘千村雨。  
莽莽游絲萬戶烟，朝出乘車行問俗。  
暮歸閉閤坐彈絃，唯將歲事三農樂。  
暫慰官情一病眠。

過古平原酌黃令

厭次古城在其北二十里  
有東方生疑塚七十二

安陵小城烏尾訛，女墻莽草黃雲多。  
風吹閭井晦不

先大漢文集 言卷之七 三  
見日落丘陵悽奈何君侯妙政靜秋水客子羈心起  
夜歌悵斷平原古文物白沙荒塚問經過

首夏芳晨縣務偶空忽羨郊行之興命車入  
董光祿園看花遇光祿君趨至領導遂得盡  
林池幽邃之美作五首

縣庭無事日悠悠羨興城南朝出遊苑裏看花還繫  
馬客中作賦更登樓原風漠漠開林霽海霧霏霏送  
麥秋物色吏情相對遠輟時歡賞莫羈愁

其二

一片孤城帶遠林千家朝日照初陰石邊芍藥從風  
落松外薜蘿隔市深杖策老翁能好事停車人吏逐  
幽尋海荒處處皆原莽此地悠悠愜靜心

其三

廣塘方曲隱平池即遠藩籬幽更宜蓮葉戲魚留賞  
慶柳陰喧鵲納涼時公家五世簪纓好舊物千年竹  
石竒便覺清嘉到吳苑令人故國坐深思

其四

光祿君盛稱三月近郊桃花之盛十里  
如錦摠病卧中過識恨於此

即看柳色接芳園見說桃紅入短垣三月黃鸝鳴雨

先大漢文集 詩卷之二  
細千村燕子啄花繁可憐爛熳春連海何事支離病  
閉門俗吏俗情君莫問異鄉難可重銷魂

其五

似憐林壑是吾家誰耐風塵滯海涯地僻且欣豐日  
暇身孤轉覺戀年華未勞光祿厨中酒自愛河陽縣  
裏花車馬不時休閉戶習池倒載為君誇

泰山

天門初上接氤氲絕頂茫茫氣色分神碣永留秦代  
石仙封不斷漢時雲三更海日中流見五月風雷下

界闡一攬乾坤空八極此身如欲出塵氛

靈岩

曾巒危壑太山陰麓徑幽幽古寺深脩竹萬竿低雨  
榻清泉幾道落風林煙侵色相開禪迹月朗空花靜  
客心此夜誰知玄度興獨携小品傍鳴琴

關里

以上三首代人作

招人一逝廬空在洙水千年秀未窮古壁尚傳文字  
跡殘枝應護鬼神功翠華歷代經過遠碧殿空山禮  
樂同落日瞻依吾道恨泣麟長想魯門東

先大漢文集 言卷之五  
寄謝邢子愿

北海淹留疾病多，幾勞尺牘問經過。  
看來三徑春風暮，憶斷孤尊白雪歌。  
束帶簿書吾欲老，拂衣丘壑尔如何。  
未甘俗吏河山邀，匹马秋風到薜蘿。

病中送潘師南還

時亦苦病急歸

黃雲搖落海秋時，那復頻頻送別離。  
積裏乍來人盡病，床頭獨卧吏多悲。  
西風萸菜行情憐，我今夜螺杯却勸誰。  
回首絳紗年少氣，二毛棲滯苦低垂。

院署夜雨

暮鍾清角隱微微，小解風多雨濺衣。  
井外梧桐吹盡稿，院中苔蘚濕仍肥。  
也知趨走真吾事，敢說文章與俗違。  
漸老無才居下位，坐聞秋鴈欲南歸。

中秋院中直事咏懷

衆木蒼蒼月照臺，吏人公署散秋杯。  
三更烏鵲城頭靜，萬里關山客望開。  
清夜泛舟思往事，暮年供直媿羣才。  
一官籠絡不如意，心折西風歸去來。

夜聞鴈憶舍弟長安秋試消息

列尔長瞻北極間，夜聞鴻雁度燕關。  
凌雲詞賦知何

先大漢文集 詩卷之十一  
似累月家書竟未還  
天下向傳春草句  
秋風即擬桂枝攀  
病多老近吾淹吏  
一望飛騰為解顏

李紳玄典試滇中有懷  
時供直棘闈

詔典詞壇寵近臣  
諸郎年少獨風神  
地經司馬開文物  
關接青牛度異人  
萬里彈冠增氣象  
十年同舍有沉淪  
請看供直庭中吏  
總是累累趨走身

夜望懷呂司封

直北西華萬里天  
大東南客兩經年  
君知潦倒封疆苦  
不見窮愁老病連  
河漢孤槎秋望外  
梧桐疎露夜

吟前白雲下有仙  
郎署憶到孤尊吏部眠

邊將八首

款塞犁庭竟杳然  
玉關青海兩遷延  
傷心東牧空三  
疏回首西屯已一  
季漢月自清秋獵  
火胡風不斷戍  
城烟虜騎師老愁  
難用突夜誰為逐  
右賢

其二

昨報將軍兩出師  
空屯俘鹵竟為誰  
至今來往藩籬  
近早晚奔騰斥候  
危衛律有心給漢  
使陳平何計媚  
關氏 兩朝互市輕  
中國彩幣黃金未  
可期

其三

尚書元主借西戎為遣尋盟乞虜東即假紅顏邀獻  
馬湯從青海問關弓諸邊節制難專令故老飛揚空  
自雄一疏請兵中不報令人痛失憶張公榆林大將張臣以是  
羊春出塞破虜因上疏陳七難請益兵戎邊不報

其四

大将稽留虜未平 朝廷拱手罷論兵  
君王有詔專推轂壯士無人再請纓四海供儲非昔  
日九邊部曲尚平生陝西稍喜新開府遠赴貔貅甲

滿城

巡撫葉夢熊到邠其故麾下苗兵五千自行赴義成秦奏入留之

其五

慷慨魏公持大計杜門推印亦何為老臣效死酬恩  
地 社稷宣威決戰時羣策二三機早斷戎心萬一  
變難支強弓健馬秋風過白草黃河日夜危尚書魏學曾起  
家先具疏主戰斥和士論歸之時經畧鄭尚書方兼督三邊遣麾下送印棋牌至家魏公復稱病不受反印於藩司

其六

紛紛牧馬近南山戰伐空思嘉靖間猛士沙場惟夜

哭將軍饒吹幾時還降胡已報移千帳遣使徒聞出  
九關不見抗章胡御史謫官滿地淚潛潛  
御史胡克  
儉按遼東  
彈寧遠伯被謫

其七

少季躍馬事將軍白首長城無寸勳十月樵蘇空燒  
火三秋刀尺冷羅裙燕支山外行聽笛首蒼峯頭卧  
望雲遠戍離愁  
君自識幕中苦樂獨誰聞

其八

葡萄天馬幾時來翡翠明珠望亦猜  
是年復  
有倭報萬國盡  
關

明主慮中興好仗出羣才干戈傷術輕天地治亂經  
綸望草萊多少大臣叅 廟議季季海畔吏空哀

強酒

悲秋獨坐耽嗟句落日孤亭強酒杯官興久拚人後  
拙病身莫向客中哀高風何處頻吹笛片月關心獨  
上臺鴻鴈蹉跎正無賴胡消息更相推  
是日聞季  
下第又聞

杜首西畧甘州

九日馬上口號之一

風昏雲白動黃塵木曠原空涼逼人渤海甯經重九  
日寒霜催老一孤臣羞將紗帽吹秋鬢憶揀茱萸強  
病身策馬吟詩漫回首異鄉何處不傷神

送舊廐城令彭讓甫調襄陽

三館銅符擁大城風流新數楚中行峴山更比華山  
好濟水無如漢水清耆舊千年南國思兒童一曲大  
堤聲知君到處攀轅淚留伴羊公石上名

朝行固安道

東方日出忽已遠北辰星孤迥自寒朝來望國行  
轉近昨去投荒淚未乾九死伶俜存伏枕十年拓落  
強彈冠嚴冰朔雪風塵裊骨痛魂驚行路難

宿胡陵

胡陵去天已尺五旅次獨酌還三更月出皎皎戶深  
閉馬鳴蕭蕭燈心清幸過潘岳尚為縣賦似相如虛  
負名眼前醜老兄弟笑况謁明朝公與卿

安仁鄭允升夜酌邸舍

尊酒公車惜輶過江湖昨日別離多吏情各保身無



先大父文集 詩卷之二十一  
一  
恙文采相看氣未磨歡極燈孤語造次醉來月照舞  
婆娑壯遊到處知音少忍對風流不浩歌

入計初朝

禁鐘月落咸朱扉仗擁千官 御氣微北海浮雲連  
苑樹西山飛雪映朝衣身隨劍履

天疑近跡遠封疆歲屢違萬里病餘重見 關掖門  
欣望轉依依

壬辰二十八首

人曰吏部上計出舍獨酌作遙寄銓郎麻呂

蔡羅四年兄

秦盤

關下逢人曰壯髮尊前作吏身獨酌數杯風

俗道誰家長笛夜深頻羞看三尺綬絲敝忍對一枝  
世勝新計第十季君見苦幾時携手出風塵

廷尉趙仁甫見斥嘆其以狂不容殆無出理  
退昔忠告不效恐今後會難期邑傷之語不  
知其至

飛揚跋扈竟誰高歎息休官未二毛天下不能容傲  
客生涯何必老閒曹風期已負書相戒海路真成望

先大漢文集 言卷之十七  
永勞昨夜酒酣論塞事思君擊劍一為豪  
趙即喜譚兵善劍舞  
宿有長風之想

送馬使君長平督學江右  
由儀部郎遷

宗伯從來禮樂司  
儻臣美簡外臺推  
雄豪莫嘆無人識  
文采今看被

主知鹿洞古雲遺  
講座章江春色有  
題詩故人一令淹  
垂老風雅尊前動  
所思

贈尚寶少卿周元孚

痛飲長思小蜀山  
飛聲今報故人攀  
漢廷作賦高金

馬秦苑麾兵靜  
玉關潦倒獨看淹  
墨綬風塵誰復好  
朱顏相逢欲解豐  
城劍一贈哀歌落日間

陳立甫抵都聞謫棄官南還倉皇就道關

此一面傷心寄望遙  
壯以詞  
立父楚人

關別深悲陳益公  
棄官長往亦英雄  
才高獨被時人口  
道廣吾憐俠士風  
湘郢今添雙賊客  
滄浪春放一漁翁  
欲憑相勸哀時命  
精力如君豈固窮

計畢出都門

自憐還臆荷

君恩何日重來謁

至尊萬里有懷餘  
犬馬十年不調信  
軋坤長安狹路  
愁難入北海窮邊  
病獨存借問誰為薦  
詞賦相如欲  
老望金門

度清縣河懷舍弟

歸路傷心春水波  
獨行無奈憶君何  
曾携冰雪雙駞  
馬不忍風沙再渡河  
青鬃世途憂短盡  
白眉流客苦  
蹉跎古今聚散皆  
揮淚南北窮愁一浩歌

晉江吳二公子以能過縣酌官署酒中贈言

其先大夫鵬峯公子鄉舉主

海市蕭蕭岡兩隣  
青鹽黃酒紫魚鱗  
荒涼東道慚為  
主流落南冠負故人  
白壁悞收懷世誼  
黃金未報恥  
官貧眼前何物堪  
投贈半壁胡床積古塵

得王時立遺書答寄二首

故人高卧若溪村  
萬里遺書招客魂  
為說悲涼對琴  
榻何如安穩釣柴門  
扁舟野水春相憶  
玉麈清尊夜  
共論一別無端羞吏隱  
嚴衙愁病日昏昏

其二

半生嬾惰官情薄百病羈離訟閣閒  
海敢言保此勝東山土林茅舍黃  
浪間一曲牢騷無限淚寄君南望  
只思還

病中呈送經師傅愛白先生南還四明二首

海曲相逢首盡蓬當時被髮舊兒  
童蘭陵弟子羞通顯稷下先生竟  
老窮長缺遠遊衝暑雨孤床八月  
卧

秋風

先生來病瘧  
卧縣署一月

一生空負談天辯腸斷千年碣石

宮

其二

海北海南渾異俗客留客去一成  
處秋雨脂車被病時相寄驛梅何  
路轉獨歸行李渡江遲也知迂嬾  
非人用先報稽山為採芝

贈朱仲脩以善縣被徵入為黃門郎

溫室遙連紫闥高歲徵良吏列清  
曹舍人露板

章初八

天子宵衣坐正勞憶昨趨陪違潦  
倒憂時涕淚付賢豪朝廷若問東  
方治為說安仁老二毛

秋興八首

黃草霜前秋士悲  
白頭塞下病夫衰  
無窮海浪星辰爛  
不斷陰雲天地卑  
七月縫裘小婦泣  
三季伏枕故園思  
滌場遍野農登早  
磧裏風高異四時

其二

爰居西渡鴈南征  
河落桑枯鷓鴣鳴  
織女秋機傳片石  
鮫人夜泣望空城  
風波忽忽淹為客  
魍魎蕭蕭記此生  
自是投荒多雨淚  
誰堪倚榻聽潮聲

其三

東方三載滯孤臣  
北極千秋望

聖人青鳥影開王母駕  
蒼龍雲繞侍即紳  
宮桃獨上三山壽  
天酒由來萬戶春  
聞說朱衣待朝次  
况看

玉露隔風塵

八月十七

今上萬壽節禮臣疏請  
御殿受賀不報

其四

秋濤影裏市烟稀  
百室寒城島日微  
海鶴何心來獨舞  
江鴻故意背人飛  
形骸霜露淹仍在  
明舊雲霄信屢違  
自古緜袍皆有淚  
幾時孤白問無衣

其五

鴨江又說下樓船，羯虜今仍在玉泉。  
萬國清笳吹片月，兩河枯草戰三季。  
木難火浣。

先朝貢瀚海，潢池此日烟。  
回首宮中悵，長夜四郊多壘未高眠。

其六

棄枝秋日挂南垂，河朔寒催萬物衰。  
病客惡風衣褐早，居人避瘴啟門遲。  
丹砂不產生難度，黃菊猶存去有辭。  
已辨青囊負鳩杖，採花燒藥任吾之。

其二

渤碣沙頭河尾邊，茫茫不辨與天連。  
投綸公子今安在，採藥童兒竟杳然。  
象罔拾珠秋弄月，天吳蹴浪夜飛烟。  
却嗟鞭石千年事，借問陵雲何處仙。

其八

蒸林高卧海樓閒，每遇西風憶故山。  
魚尾竹竿秋泛泛，雀羅茅屋晚閒閒。  
久拚謝病從官拙，未遂傳經已鬢斑。  
束縛生涯真自笑，古人適志不如還。

送呂司功伯繩予告還越二首

瀟灑江帆秋水高，竹林人羨反山濤。  
且承巖壑雙藜

杖

伯繩年少庭闈無恙兼得省覲

輒避雲霄一羽毛相國舊分綠野

第

伯繩少傅南渠相公之孫

即官新買鑑湖舫錢塘九月霜肥稻

正好浮杯拍蟹螯

其二

病迂久已謝同車今日扁舟望悵予何事二毛貪五

斗也知華省早林居自來過邑身長棄君去 朝廷

信轉疎不死藥囊歸有日桃花春水問溪漁

九日

九河九日九秋霜孤客孤城孤署牀伏枕至今淹世

路採花何處望吾知中人淚濕茱萸佩遊子寒臥麤

荔裳黍酒一杯相勸盡異方且各保身強

生日

高歌窮海日凄其誰人小城胡笛吹病身愁隨年忽

忽邊地苦奈雪離離南歸採藥不得往北望樓枝未

有期目今四十無兒子束帶憂生何所為

至日縣中卧病

白雪城頭朔氣疎黃鍾管裏煖灰初扶桑迎日三冬

至魏關瞻雲十載餘才拙空思訓襪線身羸無力強

朱太復文集 詩卷之二十一  
簪裾卧聽縣閣傳 朝鼓無那懷  
君淚滿袂

移病後寄舍弟客 都

別離雙淚未曾乾 移病無端已掛冠  
萬里江風歸路苦 三年海客帶霜寒  
此身負國空留劍 垂老偷生擬學丹  
總為艱難憶兄弟 况今不忍望長安

乞休後雪夜走興寄水部即樂之初

不見天邊白磧砂 茫茫難說客心嗟  
三季海曲空乘雪 半夜城頭玉笛花  
多病自今歸藥裹 相思此去遠

瑤華知君避世從來意 擬待東陵伴種瓜

朱太復文集卷之七終



矢野龍溪文集

詩集

八



二266号

書名	朱太復集		紙
版別	冊數	5册	年
議價	50.00	議價章	日
編號	字第	266	號

北京市圖書業同業公會印制

